

ODRŽANA 68.
REDOVNA
SJEDNICA
VLADE USK



Usvojeni ključni akti za realizaciju brzih cesta

str. 3



 **Unsko-sanske novine** 

KRAJINA



PETAK, 12. septembra/rujna 2025. godine Bihać Godina: XXX Broj: **1533** cijena 1 KM usnkrajina.com.ba
e-mail: usnovine@bih.net.ba

ZAMJENIK ŠEFA OSCE-A POSJETIO MUP USK

Fokus sastanka na zakonodavnim inicijativama i jačanju sigurnosti

Zamjenik šefa Misije OSCE-a u Bosni i Hercegovini, Zahid Movlazada, završio je dvodnevnu posjetu Unsko-sanskom kantonu, koja je obuhvatila Livno, Drvar i Bihać, s ciljem jačanja saradnje sa lokalnim policijskim strukturama i Ministarstvom unutrašnjih poslova.

Tokom posjete, Movlazada se sastao sa ministrom unutrašnjih poslova USK-a, Adnanom Habibijom, s kojim je razgovarao o unapređenju partnerskih odnosa i efikasnosti policijskih struktura. Poseban akcenat stavljen je na zakonodavne inicijative koje su trenutno u parlamentarnoj proceduri, a koje predstavljaju temelj za transparentniji i efikasniji rad policije.

Ministar Habibija je izrazio

svoje zadovoljstvo ovom posjetom i što je imao priliku razgovarati o konkretnim koracima saradnje između Ministarstva, lokalne policije i OSCE-a, dodavši da je kvalitetan normativni okvir ključan za jačanje povjerenja građana i razvoj profesionalnih institucija koje služe javnosti.


On je još dodao da posjeta potvrđuje opredjeljenje MUP-a USK-a da kroz partnerski odnos s međunarodnim organizacijama unaprijedi sigurnosni ambijent u kantonu, te da ovakvi sastanci predstavljaju važan korak ka modernizaciji policijskih struktura i jačanju regionalne sigurnosti, istovremeno gradeći mostove povjerenja između institucija i međunarodnih partnera. / F.V.



Poseban akcent stavljen je na zakonodavne inicijative u parlamentarnoj proceduri, a koje predstavljaju temelj za transparentniji i efikasniji rad policije



KRAJIŠKI PRVACI PREGALAŠTVA



Husein Karabegović
Čena

str. 4 i 5

Život me vodio kao Una

NERMINA DELIĆ, PROFESORICA BOSANSKOG JEZIKA

Dužnost prosvjetnih radnika i roditelja je da mladima vrate ljubav prema jeziku i knjizi



str. 6



Iskrene čestitke povodom 17. septembra, Dana Bosanske Krupe



GRADONAČELNIK: Armin HALITVIĆ

DOKUMENT JE POTPISAN UZ PODRŠKU UNICEF-A I LOKALNIH ZAJEDNICA

Protokol o unaprjeđenju obrazovanja djece s poteškoćama u razvoju



U Bihaću je potpisan Protokol o postupanju i saradnji nadležnih institucija, ustanova i organizacija s ciljem unaprjeđenja multisektoralnog i interdisciplinarnog pristupa u procjeni djece kroz uvođenje referalnog mehanizma.

Dokument, koji predstavlja važan korak ka osiguravanju jednakog prava na obrazovanje za svako dijete, potpisan je uz podršku UNICEF-a i lokalnih zajednica. Protokol definiše jasne procedure i saradnju između različitih se-

ktora kako bi se djeci, posebno onoj s poteškoćama u razvoju, omogućila adekvatna podrška od najranijeg uzrasta do završetka školovanja.

„Danas smo potpisali protokol sa UNICEF-om i našim lokalnim zajednicama. Radi se o dokumentu koji je postavljen na zaista visokom nivou i u čijoj izradi je Ministarstvo obrazovanja, nauke, kulture i sporta imalo ključnu ulogu. Suština je da svako dijete ima pravo na obrazovanje, bez obzira na njegovu dob ili razvojne

poteškoće. U budućnosti ćemo dodatno raditi na unaprjeđenju podrške djeci sa poteškoćama u razvoju“ izjavio je ministar obrazovanja Unsko-sanskog kantona Denis Osmankić.

On je podsjetio da od ove godine funkcioniše i stručno tijelo pri Ministarstvu obrazovanja, smješteno u Osnovnoj školi "Harmani", koje ima zadatak pratiti djecu od najranijeg razvoja pa sve do kraja njihovog školovanja.

F. V.

VRIJEDNOST RADOVA IZNOSI 242.000 KM

Bosanska Krupa jača status grada sporta - nova ulaganja u SRC Ade i SRC Bare

Bosanska Krupa i dalje potvrđuje da je grad koji ulaže u sport, mlade i zdravlje svojih građana. Nakon godina kontinuiranih ulaganja u sportske terene i rekreacione sadržaje, nedavno su potpisani ugovori vrijedni oko 462.000 KM za modernizaciju SRC Ade u Bosanskoj Krupi i SRC Bare u Bosanskoj Otoci.

SRC Ade, koji je posljednjih godina postao centralno mjesto okupljanja građana i rekreacije, uskoro će dobiti novi teniski i košarkaški teren. Vrijednost ovog projekta iznosi oko 220.000 KM, a njegovom završetkom ovaj sportski centar postat će jedan od najsavremenijih u ovom dijelu BiH. Uz kampove na Velikim i Malim adama te Zelenim otocima, grad dobija sveobuhvatnu ponudu sportskih, rekreativnih i turističkih sadržaja.

U Bosanskoj Otoci, na SRC Bare, kreće modernizacija i sanacija nogometnog terena NK Sloga, kluba koji dugi niz godina pred-



U Bosanskoj Otoci, na SRC Bare, kreće modernizacija i sanacija nogometnog terena NK Sloga, kluba koji dugi niz godina predstavlja lokalnu zajednicu u brojnim takmičenjima

stavlja lokalnu zajednicu u brojnim takmičenjima. Vrijednost radova je 242.000

KM, dok je dodatnih 40.000 KM iz gradskog budžeta izdvojeno za potpuno novi sistem

navodnjavanja. Ovaj potez omogućava NK Sloga i stanovnicima Bosanske Otoke da

konačno imaju teren koji odgovara njihovim potrebama i postignućima.

„Ovi projekti nisu samo ulaganje u infrastrukturu, već u zdravlje naših mladih i budućnost grada. Drago mi je što ćemo uskoro imati savremene terene u Bosanskoj Krupi i Bosanskoj Otoci, jer to našim građanima i sportistima pruža ono što zaslužuju. Zahvaljujem Vladi Federacije BiH, premijeru Nerminu Nikšiću i ministrima na podršci koju kontinuirano pružaju. Ovo je dokaz da zajedno možemo graditi grad sporta i grad budućnosti,“ rekao je Halitović.

Podsjetimo, Bosanska Krupa je u proteklih godina kontinuirano ulagala u sportsku infrastrukturu, od velikih projekata na Adi do uređenja manjih terena u mjesnim zajednicama. Ova kontinuirana ulaganja jasno pokazuju da grad ne gradi samo objekte, već ulaže u ljude i generacije koje dolaze, potvrđujući svoj identitet kao grada sporta i rekreacije.

F. V.

**ODRŽANA 68. REDOVNA SJEDNICA VLADE USK****Usvojeni ključni akti za realizaciju brzih cesta i Zakon o srednjem obrazovanju**

Na 68. redovnoj sjednici Vlade Unsko-sanskog kantona usvojen je materijal Ministarstva za građenje, prostorno uređenje i zaštitu okoliša, čime su ispunjeni svi potrebni uslovi za početak realizacije strateških saobraćajnih projekata u ovom kantonu.

Riječ je o odlukama kojima se definiraju projekti izgradnje brzih cesta na relacijama Bihać – Velika Kladuša – Republika Hrvatska i Bihać – Bosanska Krupa.

„Možda to na prvi pogled ne izgleda toliko značajno, ali riječ je o završnom koraku u nizu aktivnosti koje su bile potrebne da bi se pokrenula realizacija ovih projekata. Radi se o cestama koje čekamo decenijama, a njihov značaj za Unsko-sanski kanton je ogroman. Danas smo završili sve što je bilo potrebno sa strane naših organa vlasti kako bi se konačno moglo krenuti u realizaciju,“ izjavio je Dragan Polimanić, ministar pravosuđa i uprave USK.

Unsko-sanski kanton ovim ulazi u novu fazu reforme srednjeg obrazovanja kroz donošenje Zakona o srednjem obrazovanju. Ovim zakonom, kako je pojasnio ministar obrazovanja Denis Osmankić, jasno bi se definisalo da je srednje obrazovanje djelatnost od posebnog javnog interesa, dostupna svim učenicima pod jednakim uslovima.

„Poseban naglasak stavljen je na inkluzivnost, čime se učenicima sa teškoćama i invaliditetom osigurava Individualni edukacijski i tranzicijski program, prilagođen njihovim potrebama i mogućnostima, te mogućnosti obrazovanja za pomoćno zanimanje. Zakon uvodi novine poput društveno- korisnog

učenja, praktične i ferijalne prakse i obaveze saradnje škola sa privrednim subjektima, čime se učenicima omogućava sticanje praktičnih znanja i vještina potrebnih na tržištu rada. Po prvi put se reguliše upotreba informaciono-komunikacijskih tehnologija u školama, s naglaskom na zaštitu učenika od digitalnog nasilja i zloupotreba. U zakon su ugrađene i mjere zaštite od svih oblika diskriminacije, nasilja i političkog djelovanja u školama. Osnivanje i rad srednjih škola bit će strogo usklađeni s potrebama tržišta rada, a osnivači su obavezni osigurati sve uslove propisane pedagoškim standardima i normativima. Posebna novina je uspostava policijske škole kao javne ustanove od posebnog značaja za Kanton, kroz partnerski odnos Ministarstva unutrašnjih poslova i Ministarstva obrazovanja. Upravljačka struktura škola dodatno se profesionalizira, direktori su dužni proći obavezno licenciranje i obuke za radu direktora. Također je predviđeno uspostavljanje elektronske platforme e-škola i donošenje podzakonskih akata u vezi s primjenom iste. Ovim bi osigurali kvalitetno, inkluzivno i savremeno srednje obrazovanje koje učenicima daje kompetencije za daljnje školovanje, tržište rada i život u demokratskom društvu. Ovo je značajan iskorak ka obrazovanju koje prati savremene izazove i odgovara na potrebe naše zajednice i mladih generacija“, obrazložio je ministar Osmankić.

Vlada Unsko-sanskog kantona je također iz oblasti ovog resora donijela je i odluku o raspoređivanju dodatnih 25 000 KM za rekonstrukciju JU OŠ „Kulen Vakuf Orašac“

Bihać te ukupan iznos dodeljen za rekonstrukciju ovog školskog objekta iznosi 125 000 KM.

Utvrđeni su kriteriji, uslovi i postupak dodjele sredstava: granta za informisanje, granta za mlade i granta za kulturu, odobrenih u Budžetu Ministarstva obrazovanja, nauke, kulture i sporta. Sredstva ovih grantova, planiranih u iznosu po 200 000 KM, će se dodjeljivati za realizaciju projekata po javnom pozivu. / F. V.

KOMENTAR**Od sajma do sapunice**

Unsko-sanski kanton ovih dana podsjetio je da politika u Krajini nije samo cirkus – ona je šou bez ulaznica i sa najgorim glumcima. Posjeta ministra vanjskih poslova BiH, Elmedina Konakovića, bihačkom sajmu EKOBIS 2025 pretvorena je u dramu koju bi i Šekspir odbio. Tračevi, kuloarske igre i politički spinovi letjeli su brže od papira sa sajma – ko koga ruši, ko s kim kuje planove, čiji je premijer i koje ime će se pojaviti u naslovima, iako ga ni sami akteri ove političke radionice nisu znali. A mediji? Oni su



PIŠE
Fahrudin VOJIC

Politika u Krajini jednako je buka, tračevi, galama

ovog puta bili ne samo publika nego i glumci – poluistine, senzacije, dezinformacije, a neki su na trenutak postali „premijeri“ dok su pili kafu. Začešljavanje ministara, smjene, koalicijske šeme – sve je prolazilo kroz filter krajiškog provincijalizma, gdje su glasovi važniji od ideja, a drama vrednija od rezultata. Zaključak nakon svega bi bio „tresla se gora, rodio se miš“ ili kako to u Krajini neki vole kazati „idemo dalje, samo neka ruše“. Politika u Krajini jednako je buka, tračevi, galama i predstava bez kraja. Pčele zuje, meda nema, a cirkus traje.

SVJEDOK OPSADE BIHAĆA**“Zarobljen u enklavi” kod ministra Tutića**

Almir Tutić, ministar za boračka pitanja USK, primio je Ad Van De Kreekea, bivšeg posmatrača UN-a u Bihaću i autora knjige “Zarobljen u enklavi”. De Kreeke u knjizi opisuje patnju civila, zločine agresora i herojstvo boraca 5. korpusa Armije RBiH. “Posebnu težinu knjizi daje to što je nastala kao autorov izlaz iz posttraumatskog sindroma. Svjedočio je granatiranju i nepravdi, osjećajući da je njegova vojska zakazala u Srebrenici, ali je u

Bihaću bilježio strahote i govorio istinu”, rekao je ministar Tutić.

**INSPEKCIJSKI NADZOR PROTIV NELEGALNE GRADNJE BIĆE USKORO POJAČAN****Lokalne vlasti planiraju zaštitu obala Sane od bespravne gradnje**

Lokalna vlast u Sanskom Mostu najavila je da će uskoro poduzeti konkretne korake kako bi se spriječila nelegalna gradnja duž obala rijeke Sane, jednog od najvažnijih prirodnih i turističkih resursa ovog kraja.

Načelnik općine Mensur Seferović naglasio je kako će uskoro biti održana sjednica Općinskog vijeća posvećena ovom problemu, te da će se na njoj razmatrati zakonske i inspeksijske mjere kojima će se urediti izgradnja u priobalnom području.

“Rijeka Sana je dragocjen resurs i mora se čuvati za buduće generacije. Trenutna situacija na njenim obalama zahtijeva da sve aktivnosti budu usklađene sa zakonom”, rekao je Seferović.

Senad Memić, direktor Agencije za vodno područje rijeke Save, tokom nedavne posjete Sanskom Mostu, upozorio je da su Una i Sana

**Memić**

sve češće ugrožene nelegalnom gradnjom koja ima višestruke negativne posljedice na okoliš.

“Evidentno je da se radi o bespravnoj gradnji. Naša agencija ne izdaje urbanističke niti građevinske dozvole, već damo mišljenja lokalnim vlastima. U vodozaštitnom pojasu gradnja je dozvoljena samo za objekte od društvenog značaja. Glavna odgovornost u rješavanju ovog problema leži na inspeksijskim organima”, istakao je Memić.

**Seferović**

Nelegalna gradnja posljednjih godina intenzivno ugrožava brojne plaže i kupališta na Sani, kao i priobalni pojas. Članovi Društva sportskih ribolovaca “Devet rijeka” već godinama upozoravaju da pojedinci često zauzimaju riječni pojas i grade objekte na njemu. Iako se ne dovodi u pitanje vlasništvo privatnih parcela, oni naglašavaju da gradnja mora poštovati zakonske regulative, posebno pravilo o nepovredivosti riječnog

pojasa.

Služba za prostorno planiranje i građenje općine potvrđuje da je gradnja na obalama Sane postala gotovo anarhična. “Veliki broj investitora ugrožava vodozaštitni pojas širine 15 metara, a mnogi objekti se grade neposredno uz rijeku. Ograđivanje parcela dodatno otežava pristup ribolovcima, turistima i ostalim građanima”, navode iz službe.

Općinska inspekcija ističe da je najveći problem neadekvatna reakcija federalnih inspeksijskih organa, čija nadležnost pokriva ovo područje.

Bespravna gradnja prisutna je u cijelom Unsko-sanskom kantonu, a prema procjenama, u ovom trenutku postoji više od 30.000 nelegalno izgrađenih objekata. Lokalni zvaničnici poručuju da će u narednom periodu intenzivirati aktivnosti na njihovom uklanjanju i sankcionisanju prekršilaca.

F. V.

aktualnosti

FELJTON: KRAJIŠKI PRVACI PREGALAŠTVA

Život me vodio kao rijeka Una

Profesor Husein Karabegović Čena u otvorenom razgovoru prisjeća se djetinjstva, sportskih dana, pedagoškog poziva i ljubavi prema Uni.

U priči o ljudima Krajine uvijek ima mjesta za one koji su živjeli skromno, a radili predano, koji su generacijama prenosili znanje, ljubav prema sportu i odanost rijeci Uni. Jedan od njih je Husein Karabegović Čena – profesor tjelesnog odgoja, pedagog, kajakaš i sportski zaljubljenik, koji danas, u miru penzionerskih dana, gleda unazad na djetinjstvo, sportsku mladost, prosvjetarski poziv i porodični život.

KRAJINA: Profesore, rođeni ste 1949. godine u Bihaću. Kako je izgledalo vaše djetinjstvo?

Čena: Djetinjstvo mi je bilo burno. Roditelji su se razili kad sam imao pet-šest godina, pa sam neko vrijeme živio s majkom u Kostajnici, a potom se vratio ocu u Bihać. U početku je bilo teško, trebalo mi je vremena da se prilagodim. No, ubrzo sam se uklopio s vršnjacima – igrao se, družio i završio osnovno obrazovanje. Živio sam u velikoj kući, zajedno sa stricem koji je imao sedmero djece i mojim ocem koji nas je imao troje. Siromaštvo je bilo svakodnevnica, ali imali smo mlin, konje i kola, i živjelo se, kako se kaže – od danas do sutra.

KRAJINA: Kako je izgledalo osnovnoškolsko obrazovanje u to vrijeme?

Čena: Prva četiri razreda pohađao sam u školi „Kloster“, danas muzičkoj školi „Nusret Keskin – Braco“. Onda sam nastavio u Gradscoj školi, sadašnjem Rektoratu Univerziteta Bihać i sjedištu Ekonomskog fakulteta. Sjećam se da smo tada igrali nogomet na mjestu gdje je danas igralište Bigram. Bilo je to teško vrijeme – u aprilu smo već išli bosu u školu, a obroke smo dobijali u školi, u posudicama koje smo donosili od kuće. Nakon osnovne škole upisao sam Gimnaziju, kao što je većina u to vrijeme upisivala. Tada je bilo čak sedam odjeljenja sa po 34–35 učenika, a Gimnazija je bila smještena u objektu današnje Mješovite srednje škole Bihać.

KRAJINA: Kako je Una ušla u vaš život kroz sport?

Čena: Oduvijek sam bio vezan za rijeku. Moj djed je imao mlin na Uni i ja sam odrastao uz njenu buku. Kada su se u Bihaću pojavili prvi kajaci, krajem osnovne škole, nisam imao dilemu. Najprije drveni, pa gumeni „falboti“ iz Njema-

čke. Bili su teški, nezgrapni, a mi bez prave opreme. Ali adrenalin i privlačnost vode bili su jači od svega. Sjećam se prve Unske regate, 1964. ili 1965. godine. Markirali smo stazu na Štrbačkom buku zastavicama, spašavali one koji bi se prevrnuli. Nama klincima to je bila čista radost i uzbuđenje.

KRAJINA: Takmičenja su brzo došla?

Čena: Jeste, takmičio sam se i u Bihaću i u drugim gradovima. Tada su u BiH postojali klubovi u Bihaću, Banjoj Luci, Mostaru i Jajcu. Putovali smo i u Hrvatsku, Makedoniju, Sloveniju, pa čak i u Austriju i Italiju. Slovenci su bili najjači, ali i mi smo imali šta pokazati. Nisam bilježio rezultate i plasmane, jer nikad nisam bio statističar – mene je vukla sama rijeka i izazov vode.

KRAJINA: Životni put vas odveo u Beograd. Kako je do toga došlo?

Čena: Ekipe iz „Dunav filma“ došla je u Bihać da snima film o Uni i kajakašima. To je bio film sportsko-turističkog žanra. Ekipe je željela napraviti nešto na Uni, jer je Una atraktivna rijeka, a kajak kao sport bio je u usponu. U filmu su se dotakli i lova kroz nekoliko scena, kao i kulturnih spomenika i drugih zanimljivosti, ali glavna tema bila je Una i kajakaši koji se spuštaju od Bihaća prema Bosanskoj Krupi. Na svakoj lokaciji ekipa bi snimila nešto interesantno, historijsko ili karakteristično za to mjesto. Film se zove „Rekom Unom“ i bio je u to vrijeme vrlo popularan jer se prikazivao kao žurnal prije filmova u kinima. Sjećam se da su mi ljudi kasnije pričali kako su ga gledali i divili se kajaku i našim spustovima. Imam taj film na VHS kaseti, ali zbog rata i godina kaseta je dosta oštećena pa su se boje izgubile. Sve se to skupilo u nekih petnaest minuta od deset dana snimanja, što je bilo izuzetno zanimljivo. Sprijeteljio sam se s ekipom koja je radila film, i oni su me čak nagovorili da dodem u Beograd studirati. Kada sam otišao, imao sam njihove adrese, posjetio sam režisera u stanu, družili smo se, razgovarali – to je bio zaista lijep period u životu. Na tome se, međutim, završila moja filmska karijera (smijeh). U razgovoru su me nagovorili da upišem studij u Beogradu. Želio sam upisati Filološki fakultet, ali sam zakasnio na prijemni. I baš tog dana sretnem drugu iz Bihaća, skupa smo išli u Gimnaziju, koji mi kaže da je sutradan prijemni na

Fakultetu sporta i fizičkog vaspitanja, popularno nazivan DIF. Odem, položim i tako postanem student. Ostao sam studirati tamo. Nastavio sam učestvovati na takmičenjima kad god sam mogao, ali Beograd je bio daleko, a redovni treninzi u Bihaću nisu bili mogući. Shvatio sam da ću morati birati između vrhunskog sporta i buduće profesije. Aktivno takmičenje je bilo teško održati, jer Beograd je daleko od Une, ali sam povremeno nastupao za klub.

KRAJINA: Po završetku studija i vojske, odmah ste ušli u učionicu?

Čena: Da, i to neočekivano. Kada sam završio fakultet, bio sam u vojsci u Beogradu. Dok sam služio, prijavio sam diplomski rad i diplomirao, a nakon završetka vojske vratio sam se kući u Bihać sa potvrdom o završenom fakultetu i stečenim zvanjem. Isprva sam mislio da ću malo odmoriti od obaveza, prošetati i odmorniti mozak. Međutim, na ulici me sreo tadašnji direktor škole na Kamenici i odmah pozvao da dodem u školu raditi, doslovno me povukao za ruku, dao mi dnevnik u ruke i rekao: „Idi u razred i radi.“ Tako sam radio nekih pola godine. U to vrijeme u Bihaću se otvorio novi bazen sa kupolom koju drži topli zrak – to je tada bilo pomalo neobično. Trebalo je formirati rukovodstvo bazena, a jedan profesor iz Gimnazije, Mihajlo Nikolić, bivši vaterpolista i zaljubljenik u sport, prijavio se za direktora. Njega su izabrali, a upražnjeno mjesto u Gimnaziji sam iskoristio i prijavio se. Primljen sam bio bez ikakvih problema. Nakon pet-šest mjeseci počeo sam raditi u Gimnaziji, negdje 1977–1978. godine. Od tada pa nadalje, cijelo vrijeme sam bio u toj školi. Nisam imao problema ni s direktorima ni s učenicima; jednostavno sam se uklopio. Kao mlad čovjek, bliži generaciji učenika, lakše sam pronalazio zajednički jezik i tako nastavio svoju karijeru, a kajakom sam se onako više rekreativno bavio, jer već sam bio i u godinama


KRAJINA: Kako pamтите te godine?

Čena: Najljepše. Volio sam raditi s djecom, pratiti njihove uspjehe, voditi ih na takmičenja. I danas me bivši učenici pozdravljaju i zahvaljuju, i to je meni najveće priznanje. Nikad nisam imao mrlje u karijeri, i na to sam ponosan.

KRAJINA: Kajak ste nastavili kao


rekreaciju?

Čena: Da, više kao ljubav nego obavezu. Ipak, 1995. godine, tokom rata, uspjeli smo izaći iz Bihaća i mjesec dana provesti na takmičenjima u Austriji, Italiji i Sloveniji. Rezultati nisu bili značajni, ali je naš nastup imao promotivni karakter – ljudi su željeli čuti našu priču, znati šta se dešava u BiH.




KRAJINA: Kakva je vaša porodična priča?

Čena: Oženio sam se 1983. godine. Dvije godine kasnije dobili smo sina Dinu, koji je naslijedio tu moju motoriku, ali nije krenuo u kajak, nego u košarku i bio je vrlo talentovan za taj sport. Počeo je trenirati u bihaćkim klubovima i jednom prilikom došli su iz Slovenije neki skauti. Oni, već po pokretu i držanju, znaju procijeniti ima li neko smisla i talenta, i odmah su ga vrbovali. Međutim, još kao srednjoškolac imao je povredu. To se desilo na susretima gradova – Gospić, Bihać i još nekoliko njih – gdje su se svake godine održavala razna takmičenja, pa i košarka. On je tada igrao za bihaćku ekipu i povrijedio koljeno. Povredu je sanirao i potom otišao u Sloveniju, gdje je nastavio trenirati, ali mu se povreda obnovila. Vratio se kući, morao na operaciju koljena, i tu je, nažalost, bilo završeno s njegovom košarkaškom pričom, iako je imao veliki talenat. Jednostavno, imao je tu motoriku kao i ja – mogao je trenirati bilo koji sport. Kod mene je, eto, slučajno ispalo da sam bio



„rođen na vodi“, pa sam postao kajakaš. Kao što je, recimo, Živojinović postao teniser jer mu je otac uređivao teniske terene. Tako i ja kažem – možda sam, da sam odrastao pored nogometnog igrališta, umjesto na obali Une, postao nogometaš. Osim sina, imam i kćerku Emu, koja je mlađa od njega. I ona je trenirala odbojku,



imala je smisla za to, ali problem je što u Bihaću tada nismo imali dovoljno kvalitetnih trenera. Recimo, treneri jedne mlade ekipe, srednjoškolskog uzrasta, dobiju grupu od 15–20 djece i tretiraju ih sve podjednako. A među njima postoje velike razlike – neko može podnijeti veći fizički napor, neko manji. Ako se tempo prilagodi najjačima, onda dolazi do povreda kod onih slabijih, i obratno. Moja kćerka se, srećom, nije povrijedila, ali nakon nekog vremena, zbog školskih obaveza, morala je odustati od treniranja, iako je jedno vrijeme igrala i za ekipu. Sin je danas pravnik, radi u Telekomu ovdje u Bihaću i ne pada mu na pamet da ode bilo gdje. Ema je, s druge strane, potpuno drugačiji karakter. Avanturističkog je duha – jedno vrijeme je bila u Americi, zatim je dvije godine radila kao stjuardesa u Emiratima. Proputovala je svijet, vidjela mnogo toga, a na kraju se skrasila u Turskoj. Radi u firmi za promet nekretninama, tamo se udala i sada živi u Alanji, jednom velikom turističkom mjestu. Upravo se spremamo ići kod nje, jer tamo ljeto traje sve do novembra – klima je fantastična, potpuno drugačija od ove naše.

KRAJINA: Kakav je osjećaj bio otići u penziju nakon toliko godina rada u prosvjeti?

Ćena: U penziji sam skoro deset godina. Prije nego što sam otišao, slušao sam kolege kako se bore da ostanu što duže na poslu i nisam mogao da shvatim zašto. Kada sam i sam otišao, nisam protestovao niti osjećao žal, naprotiv – osjetio sam ogromno olakšanje. Iako sam zaista volio raditi s djecom i taj dio posla mi je donosio veliko zadovoljstvo – vodio sam ih na brojna takmičenja, organizovao školska nadmetanja i zaista imam mnogo lijepih uspomena – ipak je došlo vrijeme da se povučem. U penziji sam prvi put osjetio pravu relaksaciju: nema satnice, trčanja s časa na čas, roditeljskih sastanaka, nastavničkih vijeća... Četrdeset godina sam radio u tom ritmu i, iskreno, zasitio se. Ponekad me iznenadi kada čujem koliko se neki bore da ostanu što duže, meni je penzija došla kao pravo osvježenje. I sam sam osjetio da gubim energiju i da ne mogu kao na početku karijere. Zato smatram da je prirodno da mlađi ljudi preuzmu, a ja sada mogu mirno uživati, opustiti se i živjeti normalno. Ipak, najviše mi znači kada me bivši učenici i danas prepoznaju, pozdrave i pokažu poštovanje – to je najveća nagrada nakon svega.

KRAJINA: A sport danas, posebno kajak u Bihaću?

Ćena: Što se tiče sporta, i dalje ga pratim. Naravno, više ne mogu aktivno učestvovati, ali sve što se dešava me zanima. Evo sada je bilo aktuelno Evropsko prvenstvo u košarci, pratim i odbojku, nogomet, sve to volim gledati na televiziji. Što se tiče Kajak kluba u Bihaću, već dugo nisam uključen u njegov rad. Ljudi smatraju da nisam potreban, pa samo ponešto saznam preko vijesti ili kada mi neko prenese. Koliko vidim, kajak je danas ovdje na vrlo niskim granama, iako imamo idealne uslove – divlju rijeku, prirodne predispozicije i tradiciju. Međutim, podrška politike i društva dolazi tek kada postoje rezultati. Ne možete tražiti pomoć ako niste ništa postigli. Mi, kada smo počinjali, imali smo uspjehe i zahvaljujući tome dobijali smo podršku, kupovali su nam čamce i opremu. Danas, iskreno, ne znam ni ko vodi klub, da li postoje treninzi i ide li se uopće na takmičenja. Imam osjećaj da je kajak u Bihaću potpuno pao u zapećak. I ne samo kajak – mnogi sportovi su u lošem stanju, a to je posljedica i političke i finansijske situacije u kojoj živimo.

KRAJINA: Kakvu poruku biste poslali današnjim mladima?

Ćena: Ali ono što bih svakome preporučio jeste da završi školu – bilo fakultet, bilo dobar zanat. Danas je, možda, bolje biti kvalitetan zanatlija nego imati fakultetsku diplomu. Jer, šta god čovjek radio – ako je dobar i kvalitetan u svom poslu, imat će egzistenciju. Ovi što mašu diplomama, a ne znaju ništa osim politike, možda danas dobro stoje, ali pitanje je koliko će to trajati. Šta će biti s njima kada ih smijene i kada izađu iz tih kancelarija? Zato mislim da je važno imati obrazovanje radi sebe, kao nekakav adut u rukavu. Poslije se čovjek može baviti čim god želi, ali kada zatreba, uvijek će imati na što da se osloni i obezbijedi sebi život. To je moje mišljenje. Naravno, sto ljudi – sto čudi. Svako ima svoje poglede i razmišljanja.

KRAJINA: Na kraju, kad povučete crtu – jeste li zadovoljni životom?

Ćena: Jesam. Moje djetinjstvo, iako siromašno, bilo je puno radosti. Iako su današnje generacije okružene tehnologijom, mislim da smo mi imali zdraviji i sretniji odrastaj – bosonogi nogomet, Una, kajaci, drugarstvo. Danas je omladina više vezana za ekrane. Ali neka svako vrijeme nosi svoje. Ja svoje ne bih mijenjao. Svako dijete kroz mladost prođe i s traumama i s teškoćama, ali meni se čini da smo

mi, uprkos siromaštvu i bijedi, imali mnogo radosti u djetinjstvu. Proživjeli smo to vrijeme punim plućima, i zato ga se rado sjećamo. Kada uporedim naše odrastanje s današnjom omladinom, ne bih ga mijenjao ni za šta. Mi smo se tada čudili televizoru ili gramofonu, a danas djeca imaju računare i mobitele – nešto što je u naše vrijeme bilo nezamislivo. Ali upravo ti mobiteli, po mom mišljenju, sprječavaju normalan, fizički razvoj djece. Ja se sjećam da smo mi igrali nogomet bosi i goli, kako se kaže. Ako si imao patike, nisi ih smio trošiti na igranje. Ali bili smo stalno aktivni, uvijek u pokretu, mnogo fizički spremniji i pokretniji nego današnja djeca, koja su uglavnom osuđena na sjedenje i surfanje po internetu. Čini mi se da današnja omladina, s obzirom na to da im je sve dostupno preko TV-a i interneta, gledajući vrhunске sportiste koji zarađuju silne pare, često postaje žrtva bolesnih ambicija svojih roditelja. Guraju djecu u sport, misleći da će od njih napraviti Mesija, Alkaraza ili nekog drugog vrhunskog sportistu. Ali, recimo, u nogometu imate ogroman broj učesnika – od miliona djece koja krenu tim putem, na sam vrh dođe možda jedan ili dva. To je vrlo opasan i neizvjestan put. Na tom putu se dešavaju povrede, i to najčešće baš onima talentovanima koji imaju izgleda da postanu nešto veliko. Oni često zapuste školu i egzistenciju, a onda im povreda preko noći sruši sve snove. I šta ostane? Niti imaju sportsku karijeru, niti obrazovanje. Zato smatram da je rizično graditi život na takvim nadama, jer to može uspjeti jednom u milion slučajeva. Onaj ko se nađe na vrhu, zaslužio je sve što ima, ali je to rijetkost. Ja bih mladima uvijek preporučio da više pažnje posvete egzistenciji, obrazovanju i sigurnosti, jer od sporta ne može živjeti onaj ko nije vrhunski, a vrhunski je teško postati. Danas je omladina zbunjena i kada je riječ o obrazovanju. Imamo pametnih mladića i djevojaka koji završe teške fakultete, a onda ih nigdje nema. Nisu popularni, niko za njih ne zna. S druge strane, imate mediokritete, pa čak i one koji do diploma dolaze na sumnjiv način, ali se probiju politički i egzistiraju jako visoko. Oni postaju uzori, jer su prisutni u medijima i mladi ih gledaju kao idole. To, nažalost, nije dobro. Jednog dana će se to promijeniti, ali generacije koje sada rastu imaju takve uzore. Potrebne su godine da se u svijesti ljudi promijene stvari. Politička, društvena i ekonomska situacija danas je vrlo nestabilna, i zato je teško davati savjete.

Razgovarao: Fahrudin Vojić

 KRAJINA	BIHAĆ, Ul. 502. viteške brigade bb	Redakcija: +387 37 228-420: RFS: +387 37 226-488 Sekretarica: +387 37 226-485	List je registrovan kod Ministarstva obrazovanja, nauke, kulture i sporta F BiH pod brojem 563/96.	ŠTAMPA: N.I.G.D. DNEVNE NEZAVISNE NOVINE d.o.o. Banja Luka
Izdavač: JP “UNSKO-SANSKE NOVINE” d.o.o.	Direktorica: Jasmina Dujmović Izvršna direktorica: Sanela Pašagić	Redakcijski kolegij: Sanela Pašagić i Osman Delić	Registarski broj: 4263024120002	Račun broj: 3385002200568303 UniCredit Zagrebačka banka d.d.
novinari: Nermina Piralić, Sanela Pašagić, Edin Alagić, Niha Džanić Ninski, Fahrudin Vojić			PDV broj: 263024120002	Cijena 1 KM, za inostranstvo dvostruko plus PTT troškovi.

INTERVJU: NERMINA DELIĆ, PROFESORICA BOSANSKOG JEZIKA I KNJIŽEVNOSTI I
MAGISTRICA KNJIŽEVNIH NAUKA**Dužnost prosvjetnih radnika i roditelja je da mladima vrate ljubav prema jeziku i knjizi**

- Prije 60 godina UNESCO je 8. septembar proglasio Međunarodnim danom pismenosti. Ovaj praznik prvi je put obilježen 1967. godine s ciljem isticanja važnosti pismenosti za pojedince, zajednice i društvo. Svake godine na ovaj dan UNESCO podsjeća međunarodnu zajednicu na status pismenosti i obrazovanja odraslih na globalnom nivou. Prema podacima UNESCO-a broj nepismenih u Bosni i Hercegovini je četrnaest puta veći u odnosu na svjetski prosjek. Zvanične statistike pokazuju da je broj nepismenih građana u BiH 1971. godine, bio oko 600.000. Deset godina kasnije taj se broj prepolovio, da bi 2013. godina bilježila 90.000 nepismenih, što je i dalje izuzetno visoka brojka za vrijeme u kojem živimo.

O 8. septembru, Međunarodnom danu pismenosti i općenito ovoj problematici razgovaramo sa Nerminom Delić, profesoricom bosanskog jezika i književnosti i magisticom književnih nauka

KRAJINA: Šta je po Vama glavni značaj Svjetskog dana pismenosti u našoj državi?

DELIĆ: Svjetski dan pismenosti ima ogroman značaj za našu državu jer nas podsjeća da je obrazovanje temelj svakog društva i ključ razvoja pojedinca. Pismenost nije samo sposobnost čitanja i pisanja, već i temelj za cjeloživotno učenje, kritičko mišljenje i aktivno učešće u društvenom životu. U zemlji poput naše, gdje se i dalje borimo s izazovima obrazovnog sistema i jednakom dostupnošću znanja, ovaj dan je prilika da se ukaže na važnost ulaganja u obrazovanje i stvaranja jednakih prilika za svu djecu.

KRAJINA: Kada je u pitanju Bosna i Hercegovina, podaci o pismenosti su poražavajući. Prema podacima UNESCO-a, broj nepismenih u BiH je 14 puta veći u odnosu na svjetski prosjek. Kako to komentarišete?

DELIĆ: Nažalost, ti podaci jasno pokazuju da je pismenost i dalje veliki izazov u našem društvu. Uzroci su višeslojni – od ratnog naslijeđa, preko socio-ekonomskih problema, pa do nedovoljnih ulaganja u obrazovanje i kulturu čitanja. Iako se u školama radi mnogo na razvijanju osnovnih vještina čitanja i pisanja, šira društvena zajednica mora prepoznati da je problem pismenosti pitanje razvoja cijele zemlje. Pismenost znači mogućnost zaposlenja, aktivnog građanstva i socijalne uključenosti, a nepismenost vodi u marginalizaciju i siromaštvo. Zato je neophodno zajedničko djelovanje obrazovnog sis-

Pismenost se danas ne može posmatrati samo kao sposobnost čitanja i pisanja



“Naša škola je pripremila raznolike sadržaje prilagođene osnovcima. Organizirali smo čitalačke radionice za učenike nižih razreda, dok su stariji učenici pisali eseje i izrađivali plakate o značaju pismenosti

tema, institucija i porodice.

KRAJINA: Kada govorimo o pismenosti, to ima široko značenje. Postoji li neka definicija koja obuhvata taj pojam i šta konkretno spada u kategoriju nepismenosti, odnosno pismenosti?

DELIĆ: Pismenost se danas ne može posmatrati samo kao sposobnost čitanja i pisanja. Prema UNESCO-u, pismenost je sposobnost da osoba prepoznaje, razumije, interpretira, stvara, komunicira i računa koristeći se pisanim i drugim oblicima jezika u različitim kontekstima. Dakle, ona obuhvata i funkcionalnu i digitalnu pismenost, jer današnji čovjek mora biti sposoban koristiti znanje u praksi i snalaziti se u moru informacija. Nepismenost, s druge strane, podrazumijeva nemogućnost čitanja, pisanja i razumijevanja osnovnog teksta,

što ograničava životne mogućnosti i društvenu uključenost pojedinca.

KRAJINA: Koje aktivnosti je vaša škola organizirala povodom ovog praznika?

DELIĆ: Naša škola je pripremila raznolike sadržaje prilagođene osnovcima. Organizirali smo čitalačke radionice za učenike nižih razreda, dok su stariji učenici pisali eseje i izrađivali plakate o značaju pismenosti. Posebno smo ponosni na kamisibaj predstave – tradicionalni japanski oblik pripovijedanja uz ilustracije, koji smo uveli kao inovativan metod za razvijanje čitalačkih i govorničkih vještina. Djeca su kroz kamisibaj kombinovala umjetnost, jezik i kreativno izražavanje, što ih je dodatno podstaklo da zavole knjigu i priču.

KRAJINA: Činjenica je da

tehnološkim napretkom i pojavom društvenih mreža pismenost mlađih generacija sve slabija. Mladi sve manje čitaju knjige, posjećuju biblioteke a više se koriste jezikom koji je “prihvatljiv” na društvenim mrežama, koji je daleko od jezičke pismenosti. Šta činite, kako kroz nastavni plan i program, tako i vannastavne aktivnosti, da vašim učenicima ukažete na važnost jezičke pismenosti?

DELIĆ: Ovo je jedan od najvećih izazova današnjeg školstva. Nastavnici kroz redovnu nastavu, posebno bosanskog jezika, insistiraju na pravilnoj upotrebi jezika, razvijanju kritičkog čitanja i pisanju sa razumijevanjem. Vannastavno, učenici su uključeni u literarnu i recitatorsku sekciju, učestvuju u „časovima čitanja naglas“, posjećuju biblioteku. Posebnu

pažnju posvećujemo kreativnim metodama poput kamisibaja i dramskih radionica, jer su djeca najspremnija da uče kroz igru i umjetnost. Tako im pokazujemo da knjiga i pisana riječ mogu biti jednako privlačne kao i digitalni sadržaji.

KRAJINA: Koliko su mlađe generacije spremne usvajati znanja koja im kroz nastavu prenosite?

DELIĆ: Djeca su vrlo spremna i otvorena za nova znanja. Potrebno je samo pronaći način da ih zainteresiramo. Primjećujemo da imaju kraću koncentraciju i da su okrenuta brzom protoku informacija, ali kroz interaktivne časove, projektne zadatke i timski rad rado prihvataju nova znanja. Kada im pokažemo da gradivo ima poveznicu sa svakodnevnim životom, oni uče s entuzijazmom i lako usvajaju nova znanja.

KRAJINA: Koje su posljedice za cjelokupno društvo ako se ovakav trend nastavi, pogotovo kod mlađih generacija koje su budućnost Bosne i Hercegovine?

DELIĆ: Ako se trend udaljavanja od knjige i pada jezičke pismenosti nastavi, posljedice će biti višestruke. Društvo će se suočiti s generacijama koje imaju slabiju sposobnost razumijevanja pročitane, nedovoljno razvijeno kritičko mišljenje i ograničene kompetencije za tržište rada. Nepismeno ili polupismeno društvo teško može napredovati, jer ono ne stvara dovoljno stručnjaka, inovatora i aktivnih građana. Zato je naša dužnost, kao prosvjetnih radnika i roditelja, da mladima vratimo ljubav prema jeziku i knjizi, jer je to ulaganje u njihovu, ali i našu zajedničku budućnost.

N. Pirić

STRUKOVNI SINDIKAT DOKTORA MEDICINE I STOMATOLOGIJE USK-a

DEMANTI na izjave dr. Hajrudina Havića, direktora Kantonalne bolnice „Dr. Irfan Ljubijankić“ Bihać, koje je iznio u listu Krajina broj: 1531 od 29.08.2025. godine

Želimo da upoznamo javnost da smo, s obzirom na neistinite izjave direktora Kantonalne bolnice „Dr. Irfan Ljubijankić“ Bihać, a koje su prenijeli brojni portali, kako su ukupna primanja doktora specijaliste povećana za prosječno 1.200,00 KM, tražili od istog da nam dostavi način obračuna takvih primanja.

Obzirom da prema uslovima važećeg Kolektivnog ugovora nije moguće legalno ostvariti navedena primanja i ostati u okvirima Zakona o radu, dužni smo reagovati, kako bi do kraja razotkrili zlonamjerne i štetne izjave.

Opravdano sumnjamo da su direktoru možda podmetnute platne liste iz drugih kantona F BiH, jer zaista u drugim kantonima prosječna primanja doktora specijaliste i jesu viša za 1.200,00 KM u odnosu na specijaliste u USK.

Sindikat podsjeća direktora da smo jedan od kantona sa najmanjim brojem ljekara po broju stanovnika i kanton koji bilježi stalni odlazak gotovih specijalista u druge kantone, upravo zbog uslova Kolektivnog ugovora koji su daleko povoljniji u drugim kantonima.

U samo par zadnjih godina, Kantonalnu bolnicu je napustilo 10-ak specijalista koji su trebali biti nosioci po-



sla narednih 30-ak godina. Taj egzodus je duplo veći u domovima zdravlja i u momentu totalnog kadrovskog urušavanja u oblasti zdravstva, uvjetovanim kontinuiranim odlaskom ljekara, umjesto da zajedno sa ostalim autoritetima radite na saniranju postojeće štete, svojim izjavama dodatno gurate u ponor zdravstvo u USK koje je na izdisaju.

Glavni uzrok katastrofalnog stanja u zdravstvu USK-a je činjenica da doktori medicine imaju drastično niži koeficijent u odnosu na svoje kolege u drugim kantonima, dok svi ostali radnici u zdravstvu, kako medicinski tako i nemedicinski radnici, imaju iste, pa čak i veće koeficijente od svojih kolega od npr. Kantona Sarajevo.

Molimo direktora da svakako ubuduće u svojim izjavama stavlja akcenat na ispravljanje te nepravde, jer dok je god situacija takva, stanje u zdravstvu USK-a

nastaviti će se da se urušava do potpunog kolapsa kojem smo jako blizu.

Zbog nesmotrenog i neodgovornog ponašanja autoriteta koji su bili zaduženi za razvoj zdravstva u USK koje traje godinama i zbog kojeg značajno kaskamo u materijalnim uslovima za drugim kantonima u F BiH, mi smo se doveli u situaciju da imamo više informatičara u bolnici nego onkologa, neurohirurga, patologa, mikrobiologa, fizijataru, itd.

Uz dužno poštovanje prema svim radnicima (i zdravstvenim i nezdravstvenim radnicima) koji jednako i savjesno rade svoj posao i koji su nužni da bi bolnica mogla funkcionisati, ova spoznaja o odnosu pojedinih kadrova je poražavajuća i najbolje oslikava stanje u zdravstvu u USK.

Primjera radi, da bi svi zajedno još jednom shvatili ozbiljnost situacije, navodimo primjer kadra Opšte bolnice u Sarajevu i osvrnut ćemo se dijelom na cijeli Kanton Sarajevo:

Opšta bolnica dr. Abdulah Nakaš ima 203 ljekara na 330 kreveta (pri čemu imaju 25 anesteziologa i 7 specijalizanata anestezije). Uopšte neću napominjati koliko pomoć imaju u slučaju potrebe od dodatnih 50-ak specijalista anestezije koji rade na UKC Sarajevu

koja i jeste glavna ustanova tog Kantona.

Ukupno u Kantonu Sarajevo ima oko 1500 doktora medicine.

Sa druge strane, poražavajuće je da u cijelom USK radi svega oko 300 doktora medicine. Kantonalna bolnica „Dr. Irfan Ljubijankić“ Bihać ima na 700 kreveta 170 ljekara od kojih je 50-ak specijalizanata koji borave na UKC Tuzla i KCU Sarajevo, te postoji vjerovatnoća da se neće vraćati u ovo devastirano stanje.

Spali smo na 6 anesteziologa, dok ih je u Sarajevu 70, a ubrzo ćemo ostati bez patologa i fizijataru.

Pojedini domovi zdravlja skoro da i nemaju pedijataru a porodičnu medicinu vode penzioneri koji produžuju svoj staž, kako se služba porodične medicine ne bi ugasila.

Ovakvo stanje nije održivo i nema perspektivu. Ukoliko se ubrzo ne izjednače materijalni uslovi kao u drugim kantonima u F BiH, postat ćemo ubrzo jedina Ustanova ovakvog karaktera koja će imati više informatičara nego anesteziologa, čime će naše zdravstvo definitivno doći na stub srama ako to već i nije!

Predsjednik Podružnice KB Bihać SSDMIS USK-a Dr. Amir Durić, spec.pulmolog

**PETO**

GODIŠNJE DOBA

NIHA ^{Džanić} _{NINSKI}**Kome smeta hlad i kome smeta nada**

Postoji ona stara izreka da je čovjek najveći neprijatelj stablu. Drvo može rasti stotinu godina, pružati hlad, kisik, zaklon pticama i ljudima, a onda ga za pet minuta sruši motorna pila, jer je tako odlučio neko ko ima papir i pečat. Pa se pitam: ko to siječe zdravo drvo, ako ne onaj kome smeta hlad? Jer hlad je besplatan, a sve što je besplatno u ovom vremenu postaje prijatno. Isto je i sa zgradama. Može biti čvrsta, lijepa, ispunjena sjećanjima generacija, ali ako je neki prekonocni milioner bacio oko na zemlju ispod, zidovi će pasti kao domine. Tu ne vrijedi ni arhitektura ni uspomena, vrijedi samo cifra. Cifra koja ne zna za dušu. I onda nas uvjeravaju da je to „razvoj“, a zapravo je samo proždrljivost u betonskoj fasadi.

Zašto bi neko mijenjao vlast ako ne zbog politike? Ako se politika pretvorila u posao, a posao u preprodaju naših života, onda je svaka promjena vlasti samo promjena boje u sobi koja prokišnjava. Dok se plafon ruši, oni se raspravljaju oko boje zida.

Aktualnosti su se, međutim, nagomilale poput mulja kojeg niko ne vidi. Na jednoj strani, cijene skaču kao da se hrane dopingom, na

drugoj se vlasti hvale da je „ekonomska situacija stabilna“. Stabilna za koga? Za njih, sigurno. Jer njihovo gorivo i njihova hrana nikad nisu poskupjeli. Samo naš kruh i naše rane.

Evropa drži lekcije o humanizmu, ali joj se ruke tresu od želje da naftu i gas kupuje bez pitanja od bilo koga ko joj ih ponudi. U Palestini - genocid. U Ukrajini - rat koji nikako da stane. U Africi - djeca i dalje umiru od gladi, ali to više nikoga ne zanima jer nema spektakularnih kamera. A kod nas rasprave o tome ko je kome šta rekao u parlamentu i ko će kome „pokazati zube“ u izbornoj noći. Kao da je naš najveći problem jezik, a ne glad, korupcija i odlazak mladih. Kad se sve sabere, nije ni čudo što se ruše stabla, zgrade i ljudske sudbine. Jer to je logika vlasti i tajkuna: sve što podsjeća da je život moguć bez njih, mora biti sasječeno. Hlad drveta, toplina doma, sigurnost posla, nada u budućnost.

Ostaje pitanje: kome još smeta nada? Jer kad posijeku i posljednje drvo, sruše posljednju zgradu i otjeraju posljednjeg čovjeka, ostaće samo oni na zemlji koja im više ništa ne može dati, osim tišine i pustoši.

JU PEDAGOŠKI ZAVOD SVE VIŠE PAŽNJE POSVEĆUJE I MENTALNOM ZDRAVLJU MLADIH**Nedostatak nastavnika i mentalno zdravlje učenika glavni izazovi obrazovanja u USK**

Naš cilj je da svakodnevno jačamo svijest o mentalnom zdravlju, kako među učenicima, tako i među nastavnicima, jer ako želimo biti društvo znanja - moramo naučiti prepoznati i podržati jedni druge, naglasio je Džaferović

Obrazovni sistem Unsko-sanskog kantona nalazi se pred dvostrukim izazovom – nedostatkom nastavnog kadra u ključnim predmetima i rastućom potrebom da se ozbiljnije radi na mentalnom zdravlju učenika i nastavnika. Dok škole traže profesore matematike, fizike, hemije i bosanskog jezika, Pedagoški zavod USK paralelno razvija programe za jačanje psihološke podrške mladima.

Uvođenje novih pedagoških standarda prošle godi-

ne smanjilo je normu nastavnika u cilju unaprjeđenja kvaliteta nastave, a broj učenika u odjeljenjima spušten je s maksimalnih 28 na 24. Ove promjene pozitivno su utjecale na rad s učenicima, ali su istovremeno stvorile dodatne kadrovske probleme.

„Pored pozitivnih efekata na kvalitet nastave, došlo je i do poremećaja u kadrovskoj strukturi. Trenutno hronično nedostaje nastavnika matematike, fizike, dijelom hemije, pa i bosanskog jezi-

ka. Očekujemo da će Pedagoški fakultet uskoro proizvesti dovoljan broj stručnog kadra kako bismo osigurali nesmetano i kvalitetno izvođenje nastave. Školska godina je tek počela, proces raspoređivanja tehnološkog viška je u toku, i nakon toga ćemo imati precizne podatke o stvarnom nedostatku nastavnika“, rekao je Adis Džaferović, direktor JU Pedagoški zavod USK.

Pored toga, JU Pedagoški zavod sve više pažnje po-

svećuje i mentalnom zdravlju mladih, ističući da se stigma oko traženja stručne pomoći mora prevazići.

„U našem društvu je dugo postojala stigma kada je riječ o traženju stručne pomoći. Međutim, nakon niza događaja u kojima su maloljetnici počinili i najteža krivična djela, morali smo se ozbiljno posvetiti ovoj temi. Organizirali smo radionice i seminare za pedagoge i psihologe, kako bi oni dalje radili s učenicima. Naš cilj je

da svakodnevno jačamo svijest o mentalnom zdravlju, kako među učenicima, tako i među nastavnicima, jer ako želimo biti društvo znanja – moramo naučiti prepoznati i podržati jedni druge“, naglasio je Džaferović.

Obrazovanje u USK tako istovremeno traži nove profesore i razvija programe podrške učenicima i nastavnicima, balansirajući između kadrovskih izazova i potrebe za zdravim obrazovnim okruženjem. / F.V.

aktualnosti

IZMEDJU GENOCIDA I KREATIVNE MODERNOSTI

Baviti se pobunom neslobodnog ljudskog duha protiv racionaliziranog, mehaniziranog, bezbolnog svijeta, nema nikakvog smisla niti koristi



Piše:
prof.dr. Nedžad Bašić

Na samom početku 21 stoljeća, koje izrasta u doba zločina i amoralnosti čovjeka, malo je napisanih tekstova, koji bi mogli imati motivirajući refleks na stanje duha i morala čovjeka. Većina tekstova koje pišu novinari, znanstvenici ili sami čitatelji ne stvaraju dovoljno moćan impuls potreban da se utiče na stvaranje antiradne klime i empatije prema čovjeku. Nedostaju tekstovi koji bi sa svojom sadržinom direktno upozoravali i edukovali javnost kako postupci i izjave pojedinaca u javnosti mogu da dovedu do stvaranja mržnje i straha kod čovjeka što ga može voditi, i najčešće vodi, u najteži zločin protiv čovjeka - genocid. Neki tekstovi koji imaju intenciju stvaranja moralnog i antiradnog narativa isuviše su suptilni i preopterećeni simbolima koji se ne mogu lako i jednostavno transformirati u politički aktivno upozorenje na zla vremena koja dolaze i zlu kob koju čovjek nosi u sebi. Takvi tekstovi najčešće ostaju nerazumljivi i ignoriraju se, i time praktič-

no ostaju neuporebljivi što potragu za moralom i duhom mira i spriječavanje genocida čini tako očajničkom i uzaludnom.

Nedostaju otvorena i jasna upozorenja na zla vremena koja dolaze i koja su podstaknuta ciljanim izjavama političara, vjerskih službenika i državnika. Nedostaju tekstovi koji upozoravaju da retorika krajnje desnog autoritarnog populizma najčešće motivira čovjeka na najstrašnije i najmorbidnije zločine genocida. Nema upozorenja da će zlo koje proistekne iz takvog političkog, kulturnog ili vjerskog narativa ostati tekovina narodu a ne tog glasnogovornika mržnje. Nema takvih tekstova koji bi ukazivali na to da se izjave političara kao što su „da se više ni zajednički vazduh ne može disati sa najbližim susjedi- ma“, ili „da svako dijete u Gazu treba umrijeti od gladi“ vode do stvaranja fašističkog narativa koji koji se pripisuje narodima tih glasnogovornika mržnje i zla. Stvaranje takvog narativa vodi u stvaranje kolektivne mržnje koja uvijek predstavlja predvorje genocida. Otud stvaranje impulsa otpora prema zločinu genocida koji je čovjek sklon počiniti zbog svojih ličnih interesa i koristi a u ime države, vjere i nacije kojoj pripada, nosi prefiks otpora prema desničarskom autoritarizmu koji danas razara slobodu mišljenja čovjeka.

Rat koji Rusija vodi u Ukrajini, koja je zatrpna leševima, zahvaćena paljevinama i prekrivena garežima rata, te umobolni genocid koji Izrael čini prema djeci Gaze, nije samo odgovorno-

st Rusije i Izraela, to je odgovornost i ruskog i jevrejskog čovjeka (naroda) koji će snositi najteže posljedice zločina koji čini njegova država u njegovo ime i u ime njegove vjere, a sve to bez njegovog otvorenog i iskrenog otpora tom zločinu. Teško se može opravdati izostanak sramne šutnje i sporadične stidljive pobune čovjeka protiv umobolnih ratnih zločina u kojima stradaju prije svega djeca kao simbol budućnosti i opstanka čovječanstva. Zbog toga i kršćani i Jevreji, i katolici i pravoslavni i unijati, i muslimani i agnostici, moraju otvoreno stati protiv zločina koje čine njihove države u njihovo ime. Izostanak otpora tom zločinu koji se čini prema nevinim i nemoćnim, nije ništa manji zločin od samog zločina koji se čine.

Na samom početku ovog milenija, za zločine masovnog razaranja, ubijanja, izgladnjivanja, protjerivanja i masovnog silovanja, što čini država, čovjek koji vjeruje u Boga postaje zastor iza kojeg se stvara ovaj „katalog užasa“ straha i mržnje prema svom najbližem susjedu, prijatelju, rođaku, što čini najtežu biblijsku izdaju Boga i svih božanskih vrijednosti. To čini ovaj ratni „katalog užasa“ još razornijim i pogubnijim za opstanak čovjeka u 21 stoljeću.

Ratovi koji se danas vode u Gazi i Ukrajini i na drugim mjestima, stvaraju masovnu „društvenu potražnju“ za novim modelima straha i mržnje kao novim ideološkim oružjem kao instrumentom apokalipse čovječanstva koju sve intenzivnije glorificira krajnje desničarski pop-

ulizam, koji se prelijeva u sve segmenta života homo sapiensa. Strah i mržnja rasplamsava se i pojačava svim „masovnim medijima“ kako bi se intenzivirali talasi panike koji zamagljuju um čovjeka, koji više nije u stanju prepoznati upozorenja koja najavljuju dolazak prokletstva.

Masovna „društvena potražnja“ straha i mržnje koja je namijenjena širenju smrti i prijetnje potpunim uništenjem slobode čovjeka, čini um čovjeka zatvorenim u primitivni bezbolni prostor, otvrdlim na svaku empatiju i racionalnost, što čini sažet „katalog užasa“ na samom početku ovog stoljeća. U tom „katalogu užasa“, oduzimajući slobodu mišljenja čovjeku, autoritarna država i Vođa grade novi koncept njegove „sreće“ na koji on najčešće pristaje. On više ne mora ništa da misli, oslobođen je svake odgovornosti, oslobođen je straha i stida, ima samo dužnost da slijedi upute Velikog Vođe i da promovira mržnju prema onima koji su označeni Vođinim dekretom. Upravo takvo shvaćanje i prihvatanje slobode i obožavanja Vođe, kojem se pripisuju božanski atributi (on je moj bog) – čini običnog homo sapiensa bolesno superiornim, što čini njegov život toliko besmislenim da je teško povjerovati da bi društvo kome pripada moglo preživjeti.

„Glad za moći, sadizam i tvrdoća“ onih koji „ostaju na vrhu“ stvaraju nejednakost i siromaštvo što čuva diktaturu, koja sada služi da se vođa održi na vlasti. I zaista. Kada je društvo opljačkano, razoreno i kada živi u is-

praznom zadovoljstvu, bez slobode mišljenja i bilo kakvog motiva da se pokrene navise, moć Vođe nije više sredstvo već samo sebi cilj. Predmet moći postaje moć, a predmet satire, podsmijeha, osude i kazne nije više Vođa (država) već sam narod, odnosno čovjek, koji je mentalno pripremljen na iracionalnosti ljudskog ponaanja, pa čak i na počinjenje ili negiranje najtežih zločina (genocida).

U takvom okruženju ako bi čovjek težio stvarnosti morao bi se odreći svih darovanih beneficija i neodgovornosti za zločine koje je počinio, što za njega čini isuviše visoku cijenu. Sa odricanjem od slobode sopstvenog mišljenja i sa isušanim mozgom, koji više ne proizvodi nikakve vizije niti kreativnu maštu, čovjek se definitivno poistovjećuje sa mehanizmom tiranije koja ga okružuje. On ne razumije ni njen uzrok ni njenu krajnju svrhu. „Čovjek sve više liči na psihijatra čiji um postaje poremećen prebliskim boravkom s ludilom“. On se više ne može osjećati ni poniženim, ni potresenim, ni izgubljenim.

Nepovjerenje i sumnja, mračne zavjere i njegov mentalni sklop skeptika, čine ga slabim da traga za odgovorom. „Analizirati složenu društvenu pozadinu, pokušati rasplesti splet političkih motiva, proračuna, strahova i sumnji, te razaznati prisilu okolnosti iza njihovog djelovanja izvan je njegovih mogućnosti. Generalizacije o društvenim snagama, društvenim trendovima i historijskim neizbježnostima čine ga sumnjičavim“.

On doživljava svoje okru-

ženje kao „duh zla“, što ga sve više gura od racionalnog zdravog razuma ka mističizmu okrutnosti. Mistična okrutnost koja se naselila u njemu, neminovno vodi u opasnost da trajno pretvori narod u bezživotno tijelo bez snage i volje da otvori nove horizonte i stvori nove nade za njegovu bolju, vedriju i veseliju budućnost.

Sve vidljiviji sukob između agresivnog autoritarnog populizma, koji nosi grubu retoriku nacionalizma i totalitarističkog nasilja i globalne prijetnje s jedne strane, i umjetne inteligencije (AI), energetskog interneta (EI), interneta stvari (IoT), algoritma mašinskog učenja, blockchaina, što proizvodi novu dramatičnu sposobnost dizajniranja novih vizija čovječanstva, s druge strane, traži novi način razmišljanja i novi dijalog između države, društva i pojedinca u cilju promicanja tog novog svijeta koji se nazire iza sadašnjeg zastora laži, straha i zločina.

Baviti se pobunom ljudskog duha na ovom raskršću traži stvaranje nove mlade generacije koja će biti sposobna razumjeti suštinu današnjih promjena koje su stisnute između agresivne retorike autoritarnog krajnje desnog populizma i potisnute kreativne modernosti svijeta, koja će znati uvesti čovjeka u novu maštu, promijeniti konvencionalni način razmišljanja čovjeka, generirati novu globalnu strategiju, proizvesti nove intuicije i stvoriti novu ljudsku kognitivnu kreativnost, kao najznačajnije revolucionarno preustrojanje čovječanstva u 21 stoljeću.

KNJIGA SVJEDOČI O HEROJSKOJ ODBRANI GRADA I HRABROSTI STANOVNIKA

Bivši holandski vojni posmatrač Ad Van De Kreek vratio se u Bihać i predstavio knjigu „Zarobljen u enklavi“

Ad Van De Kreek, bivši holandski posmatrač UNPROFOR-a u opkoljenom Bihaću, posjetio je grad u kojem je tokom rata proveo šest mjeseci. Povod njegove posjete bila je promocija knjige „Zarobljen u enklavi“ i susreti s gradskim i kantonalnim vlastima te osobama s kojima je surađivao tokom sukoba.


„Vojska je bila hrabra i odana, borila se s malo naoružanja i velikim

srcem. U knjizi posvećujem poštovanje vojnicima i građanima koji su izdržali neizmjernu patnju“, kazao je Van De Kreek.

Gradonačelnik Elvedin Sedić istakao je da knjiga svjedoči o herojskoj odbrani grada i hrabrosti stanovnika. Van De Kreek je tokom karijere služio i u Libanu, Avganistanu te BiH, a decenijama nakon rata ostao je vezan za Bihać i njegove građane. / F.V.



PROMOVISANE DVIJE KNJIGE KOJE GOVORE O PROŠLOSTI I STRADANJU HRVATA KLJUČA I SANSKOG MOSTA



U Ključu obilježena proslava Male Gospe

Katolici u Ključu, zajedno s onima koji potiču iz ovog grada a danas žive i rade u inostranstvu, okupili su se danas na proslavi praznika Male Gospe. Na svečanosti, kojoj je pored nekoliko stotina vjernika katoličke vjeroispovijesti, prisustvovao i Jasmin Musić načelnik Općine Ključ, istaknuta je važnost očuvanja tradicije i njegovanja međureligijskog dijaloga.

„Drago mi je da smo uz podršku viših nivoa vlasti

uspjeli urediti podrumski prostor i sanitarni čvor crkve te osigurati da se nekoliko stotina okupljenih vjernika ugodno osjeća u svom rodnom gradu. Nastavit ćemo promovirati međureligijski dijalog, kreirati atmosferu otvorenosti i uvažava-

nja prema svim ljudima dobrih namjera, a danas okupljeni to definitivno jesu i to su potvrđivali u brojnim prilikama“, izjavio je načelnik Ključa Jasmin Musić.

Vjerskom programu i kasnijem druženju prisustvovali su i generalni ko-

nzul Republike Hrvatske u Banjaluci Zoran Piličić, predsjedavajući Općinskog vijeća Jajce Josip Topić, historičar Franjo Jurić iz Bihaća, kao i predstavnici lokalnih boračkih organizacija.

Župnik Davor Klečina podsjetio je da je ovogo-

dišnja proslava okupila veliki broj raseljenih Ključana, naglašavajući značaj njihovog povratka u rodni kraj, makar i na kratko.

„Ove godine, nakon dugo vremena, u Ključ se vratilo mnogo raseljenih Ključana upravo povodom Male

Gospe. Osim vjerskog programa, organizirana je i promocija dvije knjige našeg sugrađanina, profesora Alojza Bujana, koje govore o prošlosti i stradanju Hrvata Ključa i Sanskog Mosta“, izjavio je župnik Klečina.

Raseljeni Ključani hrvatske nacionalnosti su tokom boravka u rodnom gradu, obišli lokalitete masovne grobnice Lanište 1, što nosi snažnu poruku o čuvanju sjećanja i istine.

F. V.

- Ove godine, nakon dugo vremena, u Ključ se vratilo mnogo raseljenih Ključana upravo povodom Male Gospe - Organizirana je i promocija dvije knjige našeg sugrađanina, profesora Alojza Bujana, koje govore o prošlosti i stradanju Hrvata Ključa i Sanskog Mosta

PANEL JE OKUPIO PREDSTAVNIKE OBRAZOVANJA, NEVLADINOG SEKTORA I PRIVREDE, S CILJEM ZAJEDNIČKOG OBLIKOVANJA ODRŽIVOG I KONKURENTNOG OBRAZOVNOG SISTEMA KOJI ĆE ODGOVORITI NA IZAZOVE BUDUĆNOSTI

Panel diskusija na EKOBIS-u - Zelene i digitalne vještine ključ održivog razvoja privrede

Program i aktivnosti 21. međunarodnog sajma ekologije EKOBIS 2025 obilježila je panel diskusija pod nazivom „Srednje stručno obrazovanje za održivost: Uloga zelenih i digitalnih vještina u razvoju privrede“, koja je održana u hali A sajmišta.

Na panelu su predstavnici obrazovnih institucija, privrednog sektora i međunarodnih organizacija istakli značaj zelenih i digitalnih kompetencija kao ključnih pokretača održivog razvoja i jačanja konkurentnosti na tržištu. Događaj su organizirali Privredna komora Unsko-sanskog kantona i GIZ - Deutsche Gesellschaft für Internationale Zusammenarbeit.

Poseban doprinos disku-



siji dao je Pedagoški zavod Unsko-sanskog kantona, čiji je predstavnik Muamer

Hadžić govorio o važnosti integracije digitalnih vještina u srednje stručno obra-

zovanje. Naglasio je da je neophodno prilagođavanje nastavnih planova i pro-

grama savremenim tržišnim potrebama kako bi učenici stekli znanja i vještine koje

će ih učiniti konkurentnijim na tržištu rada.

„Pedagoški zavod Unsko-sanskog kantona danas je učestvovao na panel diskusiji održanoj u okviru EKOBIS-a. Istaknuta je potreba da se digitalne vještine postepeno, ali sistemski, ugrađuju u nastavni proces, jer samo na taj način možemo pratiti globalne trendove i pružiti mladima obrazovanje koje prati zahtjeve privrede“, istakli su iz JU Pedagoški zavod USK.

Panel je okupio predstavnike obrazovanja, nevladinog sektora i privrede, s ciljem zajedničkog oblikovanja održivog i konkurentnog obrazovnog sistema koji će odgovoriti na izazove budućnosti.

F. V.


kanton

EKOBIS

Cazin nagrađen za najbolji kolektivni nastup



Grad Cazin i Javna ustanova Centar za kulturu i turizam Cazin osvojili su priznanje za najbolji kolektivni nastup na 21. Međunarodnom sajmu ekologije EKOBIS, koji se ovih dana održavao u Bihaću. Ova prestižna nagrada predstavlja potvrdu predanog rada, kreativnosti i odgovornosti svih učesnika iz Cazina koji su na sajmu predstavili bogatu ponudu kulturnih, turističkih i razvojnih sadržaja.



Organizatori su istakli kako je nastup Cazina bio posebno zapažen po svom kvalitetu, jedinstvu i načinu prezentacije, te dodali da ovaj

uspjeh služi kao primjer dobre prakse za druge lokalne zajednice. Iz Grada Cazina i JU "Centar za kulturu i turizam" zahvalili su se na priznanju, naglašavajući da će s istim entuzijazmom nastaviti raditi na promociji potencijala grada i budućim zajedničkim projektima. F.V.

BIHAĆ PREDSTAVIO PROJEKTE ODRŽIVOG RAZVOJA I ENERGETSKE TRANZICIJE



Jačanje kapaciteta za upravljanje otpadom

Bihać je na Međunarodnom sajmu ekologije EKOBIS 2025 predstavio dva značajna projekta koja se provode u okviru programa Interreg VI-A IPA Hrvatska - Bosna i Hercegovina - Crna Gora. Riječ je o projektima RECIRCLE i SMART DeCARB, čija je realizacija usmjerena na jačanje ekološke infrastrukture i smanjenje upotrebe fosilnih goriva. Iz Gradske uprave Bihaća ističu da projekat RECIRCLE donosi konkretne benefite za unaprjeđenje sistema upravljanja otpadom.

- Ključni cilj projekta je jačanje kapaciteta za upravljanje otpadom s posebnim naglaskom na odvojeno prikupljanje, reciklažu i ponovnu upotrebu otpada - što predstavlja važan korak ka održivom upravljanju resursima i zaštiti okoliša. Kroz ovaj projekt, Bihać će dobiti kamion za odvoz otpada sa smetlarskom nadogradnjom i osam podzemnih kontejnera, - naveli su iz Gradske uprave. Drugi projekat, SMART DeCARB, usmjeren je na dekarbonizaciju energetskih sistema zgrada koje još uvijek dominantno koriste fos-

ilna goriva u Hrvatskoj, Bosni i Hercegovini i Crnoj Gori. U Bihaću će kroz ovaj projekat objekat Gradske uprave dobiti solarne panele s baterijskim sistemom, dizalicu topline, punionicu za električna vozila i pametnu klupu. Time Grad Bihać, poručuju nadležni, slijedi evropske prioritete u oblasti energetske efikasnosti i održivog razvoja. Ovi projekti predstavljaju važan iskorak ka zelenijem Bihaću, ali i primjer dobre prakse prekogranične saradnje u regiji, istaknuto je tokom prezentacije. F.V.



PRIJE 23 GODINE PRONAĐENO 53 UBIJENIH MJEŠTANA BIHAĆKIH NASELJA ORAŠAC, KULEN-VAKUŠ, ČUKOVI, KLISA, GOLUBIĆ, TE PODRUČJA OPĆINE KLJUČ

Na Tihotini obilježena godišnjica otkrivanja masovne grobnice

Na lokaciji Tihotina kod Bihaća obilježena je godišnjica otkrivanja jedne od brojnih masovnih grobnica u Bosni i Hercegovini, gdje je prije 23 godine pronađeno 53 ubijenih mještana bihaćkih naselja Orašac, Kulen-Vakuf, Čukovi, Klisa, Golubić, te područja općine Ključ. Posmrtni ostaci žrtava, koje su završile na dubini od 85 metara, dio su ukupno oko 25.000 pronađenih ostataka nesrpskog stanovništva na više od 5.000 lokacija širom zemlje. Obilježavanje je organizovao Savjet mjesne zajednice Pritoka uz podršku Gradske uprave Bihać, a događaju je, nažalost, prisustvovao mali broj građana - uglavnom članovi porodica ubijenih.



Gradonačelnik Bihaća Elvedin Sedić izrazio je razočaranje zbog slabog odziva i podsjetio na obavezu čuvanja sjećanja. - Žalosti činjenica da je na događajima poput ovoga sve manje ljudi, da zaboravljamo žrtve monstruoznih zločina i njihovu sudbinu. Ne mogu prihvatiti da smo postali toliko

nemarni da nam nije stalo pomisliti se za njihov smiraj, da ne suosjećamo s porodicama kojima ovaj zaborav najteže pada. Uz mene su danas bila tek trojica vijećnika Bihaća, od desetina izabranih na svim nivoima. Samo dvadesetak ljudi iz Ljutočke doline i Bihaća! Sramotno, - poručio je Sedić. Iako je odziv bio mali, poru-

ka prisutnih na Tihotini bila je jasna - zločini ne smiju biti zaboravljeni. - Samo istinom i sjećanjem na naše ubijene sugrađane možemo spriječiti da se takav zločin ponovi, - istaknuto je na komemoraciji, kojoj su prisustvovali i učesnici tradicionalnog pješačkog pohoda iz Pritoke. F.V.

ZAVRŠEN 21. MEĐUNARODNI SAJAM EKOLOGIJE - EKOBIS 2025

Veliki broj ovogodišnjih izlagača već najavio dolazak na EKOBIS 2026

■ Mali ali vrijedni tim

Privredne komore USK, prema riječima predsjednice, Sanele Sabljaković, sjajno je obavio svoj posao i opravdao očekivanja

U nedjelju, 7. septembra završen je 21. međunarodni sajam ekologije "EKOBIS 2025". Prema riječima Sanele Sabljaković, predsjednice Privredne komore Unsko-sanskog kantona ove godine su napravljeni značajni iskoraci u odnosu na prethodnu, počevši od proširenja kapaciteta što je omogućilo dolazak većeg broja izlagača, prateći program je također bio vrlo bogat i raznovrstan, a i prema broju prodanih i gratis karata, te grupnih posjeta i broj posjetitelja je bio značajno veći.

- Organizacija sajma je vrlo zahtjevan posao. Trebalo je pripremiti niz intenzivnih aktivnosti koje iziskuju i vremen-ske i ljudske kapacitete. Sada kada je sve iza nas smatram da je mali ali vrijedni tim Privredne komore USK sjajno obavio svoj posao i opravdao očekivanja. Naravno, veliku



najznačajnijih događaja u Unsko-sanskom kantonu, pa i šire. Od svog prvog održavanja bio je zamišljen, prije svega kao projekat koji se temelji na principima

vrijednosti te uvrste aktualne teme i sadržaje u prateći program. Ove godine je to bila energetska tranzicija Bosne i Hercegovine i dekarbonizacija, kao vodeće teme sajma, čemu je posvećena jedna panel diskusija.

na kao i ljepote našeg grada i kantona.

Pripreme za naredni EKOBIS mogu početi

- Sajam EKOBIS, kao jedinstven događaj ovog tipa u regiji, je postao prepoznatljivo

inim pitanjima iz održivog razvoja, energetske tranzicije i ekologije. Od osnivanja Nacionalni park "Una" je naš partner i suorganizator, a ove godine su dali znatan doprinos u organizaciji pratećeg programa sajma putem dvije

nove prijedloge i ideje koje ćemo sigurno ugraditi u organizaciju sljedećeg. Radit ćemo na privlačenju novih izlagača, obogatiti naš prateći program i naučnim dijelom, ali i kulturno - zabavnim sadržajima, kako bismo privukli što veći

■ Sanela Sabljaković, predsjednica Privredne komore USK



„... Radit ćemo na privlačenju novih izlagača, obogatiti naš prateći program i naučnim dijelom, ali i kulturno - zabavnim sadržajima, kako bismo privukli što veći broj posjetitelja. Pozivam i naše sugrađane da nam se jave na naše kontakte ili posjete Privrednu komoru i iznesu svoje viđenje sajma i prijedloge za unaprjeđenje organizacije sljedećeg...

pomoć smo imali i od našeg suorganizatora Grada Bihaća, kao i Organizacionog odbora ovogodišnjeg sajma, te koristim priliku da im se svima i ovom prilikom još jednom zahvalim na nesebičnom doprinosu, ističe Sabljaković.

Pozitivni dojmovi izlagača i posjetitelja

EKOBIS je projekt koji traje duže od dvije decenije i zasigurno je jedan od

održivog razvoja, odnosno očuvanja i odgovornog korištenja prirodnih resursa. Ciljevi sajma su promocija inovativnih proizvoda i tehnologija, privrede i malih obrta, turističkih potencijala, projekata i ideja s naglaskom na regionalnu saradnju i partnerstvo. Ciljevi, kako ističe Sabljaković, ostaju isti ali će se, naravno, svake godine truditi da ovom događaju daju nove

Na sajmu su se predstavili izlagači iz regije i Evrope. Izlagači iz Srbije su predstavili privredu i turističke potencijale svojih gradova, dok su izlagači, obrtnici iz Hrvatske predstavili svoju proizvodnu ponudu. Iz Njemačke i Italije su se predstavili agencija i nevladine organizacije koje su prezentirale projekte koje implementiraju u BiH. Njihovi dojmovi o sajmu su pozitivni, već su najavili i izlaganje na sljedećem EKOBIS-u. I jednako važno je to što svi ovogodišnji izlagači ističu toplu dobrodošlicu naših sugrađa-

mjesto susreta i novih poslovnih prilika, mjesto ideja, projekata i inovacija koji nose predznak zeleno, održivo i ekološko, s posebnim akcentom na regionalnu saradnju i partnerstvo. EKOBIS već više od 20 godina spaja ekologiju, privredu, turizam i inovacije, pružajući platformu za prezentaciju zelenih rješenja i poticanje privrednog i održivog razvoja. Dakle EKOBIS je i izložbeno prodajni sajam, gdje afirmišemo našu privredu i stvaramo nova poslovna partnerstva, ali i projekat i događaj koji svake godine zasigurno daje svoj doprinos aktua-

panel diskusije. Panel diskusijom "Između turizma i zaštite okoliša - napredak i izazovi u razvoju održivog turizma" istaknuto je da su turizam i zaštita okoliša neodvojive oblasti koje se moraju paralelno razvijati i koje moraju biti u balansu. Na panel diskusiji o Trgovskoj gori panelisti su izrazili zabrinutost zbog mogućeg utjecaja na okoliš i zdravlje, te naglasili značaj uključivanja lokalne zajednice u donošenje ovakvih bitnih odluka. Tokom održavanja sajma smo svakodnevno bili u kontaktu s našim izlagačima i posjetiteljima, tako da već sada imamo

broj posjetitelja. Pozivam i naše sugrađane da nam se jave na naše kontakte ili posjete Privrednu komoru i iznesu svoje viđenje sajma i prijedloge za unaprjeđenje organizacije sljedećeg. Koristim još jednom priliku da se zahvalim svima koji su na bilo koji način doprinijeli organizaciji i realizaciji ovog tradicionalnog i velikog događaja - izlagačima, posjetiocima, pokroviteljima, partnerima, medijima, volonterima i prijateljima sajma, čiju podršku i učešće očekujemo i na narednom EKOBIS-u, ističe Sabljaković.

N.Piralić



kanton

www.usnkrajina.com.ba

Bihać je grad u kojem su se susretali različiti ritmovi, zvukovi i priče. U toj bogatoj muzičkoj tradiciji svoje posebno mjesto zauzima Nejra Karabegović, pjevačica čiji je put obilježen ne samo ljubavlju prema pjesmi, već i odlučnošću da ostane vjerna sebi i svome gradu. Od prvih tonova koje je zapjevala kao djevojčica uz očev gramofon, pa do ozbiljnih muzičkih projekata i saradnji sa poznatim imenima regionalne scene, Nejra je utkala muziku u svaki korak svog života. Njen glas nije samo zabavljao publiku, već ke često bio i svjedok priča o gradu, ljudima i vremenu u kojem je rasla. Zato njena priča zasluženno ulazi u feljton Bihaćke urbane legende.

KRAJINA: Nejra, kada je otkriven tvoj talenat za pjevanje?

Nejra: Moj rahmetli tata je još dok sam bila dijete u periodu od tri godine rekao da sam počela pjevati gledajući s njim neku muzičku emisiju na televiziji, pa je bio oduševljen mojom izvedbom, od tada sam često pjevala za ukućane koji su i primijetili da imam pjevačkog talenta. Tako je već u osnovnoj školi to prepoznao nastavnik Šemsudin Dino Toromanović, rekao je da imam dobar sluh pa sam ja pjevala „skale“ dok je on svirao klavir. Nakon što sam uspješno prošla taj „test“ na njegov prijedlog počinjem pjevati u školskom horu Haramni II. Sa mnom u razred je išla Enia Šenda, kćerka doktora Šende, ona je svirala gitaru i išla i u Muzičku školu, bila je tu i kolegica Zerina koja je svirala klavir, a nastavnik Dino nas je pripremao za školske priredbe sa notnim zapisima. Nastupale smo na svim tim priredbama, zahvalna sam nastavniku dini koji je imao veliki utjecaj na moj početak, hrabrio me, bio mi velika potpora. Ja sam sa nepunih deset godina pjeval Beatlese, Yestrdayi druge velike hitove, oslobođena „straha“, pjevala sam onako kako osjećam, po intuiciji. Dobra muzika se od uvijek slušala u mojoj kući, tata je bio roker, još uvijek čuvam gramofonske ploče i gramofon. Na neki način moj početak baš je i vezan za rock and roll muziku, dijelom zbog oca koji je slušao velike rock grupe, dijelom jer mi se i samoj baš takav žanr svidao. Za djetinjstvo me vežu lijepe uspomene, pa mogu slobodno reći da sam odrastala uz muziku i da sam već tada nekako znala da će pjesma biti moj život.

KRAJINA: Jesi li završila Muzičku, odnosno Umjetničku školu?

Nejra: Nisam, to mi je bila najveća želja, kao i možda najveća greška što ipak nisam završila tu vrstu škole. Kada je bio prijemni ispit za upis u Umjetničku školu, istovremeno je bio i prijemni za upis u gimnaziju, koju sam i završila. Prolazila sam pored Umjetničke škole, a profesor Ćustić i Karmela

koji su me vidjeli, kažu ; „Nejra, čeka te mjesto na prijemnom“. Međutim, nisam je upisala i ostao mi je žal zbog toga. Bez obzira na to, ja od muzike nisam odustala, kao ni od ljudi iz tog „svijeta“, to je bio moj put koji je ucrtan u sudbinu i ja sam ga slijedila, bez obzira što sma propustila da pohađam takvu vrstu škole.

KRAJINA: Javnost te je upoznala i tokom gostovanja u televizijskim emisijama, bilo je i nekih takmičenja. Kakva su tvoja iskustva o tome?

Nejra: Kada sam bila osmi razred, održavala se audicija za Televiziju Hayat, za emisiju „Zvijezda možeš biti ti“. Prolazila sam pored „Doma armije“, ili Kulturnog centra sa prijateljicama koje su me i nagovorile da se prijavim, što sam i uradila. Imala sam tada 12 ili 13 godina, stala pred žiri u kojem su pored ostalih bili Hari Mata Hari, Hanka Paldum, Fahrudin Pecikoza, sjećam se samo da sam zapjevala onako kako najbolje znam i mogu i da su svi ostali kako se kaže „paf“. Odmah su mi i rekli da sam uspješno prošla audiciju, svi su kandidati očekivali poziv od žirija, ali ja sam odmah nakon predstavljanja pred njima od njih to i saznala. Pjevala sam Killing me softly, a onda i jednu sevdalinku. Nakon svega, bila sam i zadovoljna uspjehom, došla sam pred finale. Tada su skupa s amnom na tom takmičenju bili i Mirza Malkoč i Mirsad Okanović, iako smo doslovce bili djeca, za mene je to bilo veliko iskustvo, jer to su neki moji prvi koraci, pjevala sam u Skenderiji pred većim brojem ljudi i to me iskustvo izgradilo. Tu je u bendu koji nas je pratio bila i naša Biščanka Hana Jušić, jedan gitarista Zlatko. On me čak pitao kako to da ja kao trinaestogodišnja djevojčica pjevam tako veliki repertoar pjesmi, da nisam kao većina njih „okrenuta“ samo prema jednom muzičkom pravcu, rekla sam da je to zato jer ja to volim. Fahrudin Pecikoza mi je pred finalnu emisiju rekao da ako dobiem neku ocjenu manje, da mi je to zbog toga što sam još uvijek mlada, ali da nikad ne odustajem. Tako je i bilo..Nakon tog takmičenja, za mene su se stvarale nove prilike, zvali su me mnogi bendovi za suradnju, stjecala sma nova poznanstva, nova iskustva, a cijelo to vrijeme sam sazrijevala kao muzičar, postavljala sebi nove ciljeve..

KRAJINA: S kim u to vrijeme surađuješ?

Nejra: Tada ostvarujen suradnju sa Adinom Taletovićem, Ismarom Hambelićem i Anelom Viteškićem, bio je to moj prvi bend koji se zvao „Urnebes“. Svirali smo čisti rock and roll, a probe smo održavali u Kulturnom centru. U to vrijeme bilo je puno bendova u Bihaću, baš dosta nas iz moje generacije svoj put je tražilo u muzičkim vodama, ili su se muzikom bavili čisto iz



ljubavi i hobija, ali da, zaista smo kao i generacije prije nas, bili izuzetno muzički osviješteni, zaljubljeni u pjesmu i sviranje, pa smo se i okupljali, pokušavali od toga ili nešto napraviti ili samo se predstaviti publici, nekako je to bilo drukčije nego sada. Sada i ne primjećujem da se toliko mladih okuplja u bendovima da bi zajedno svirali. Mi smo se čak i „svađali“ oko toga ko će kada dobiti termin za probu, borili smo se da pokažemo ono u čemu smo sebe smatrali dobrima ili ono što smo kao mladi ljudi željeli izraziti, a to je bio naš odnos i ljubav prema muzici. A onda, i mi smo sazrijevali, svako je utkao svoj put i otišao njime, mada vjerujem da je svima muzika ostala duboko u venama, bez obzira čime se sada bave. Adi je završio Umjetničku školu i upisao Akademiju, pa sada svira sa Amelom Ćurićem u bendu, a bio je i gitarista Divanhane. Suradivala sam i sa profesorom Adnanom Busuladžićem i to mi je jedna od najljepših kombinacija na mom putu. Suradnja se odvijala kroz Orkestar muzičke omladine, posje-


dovali smo neku neopisivu energiju koju nam je tako znalački i pedagoški znao prenijeti profesor Busuladžić koji je i idejni tvorac tog projekta, pa sam mu neizmerno zahvalna na trudu i svemu što i danas održava kako bi mlade generacije osjetile, doživjele i voljele muziku. Kasnije je profesor Busuladžić u umjetničkoj školi pronašao neke stare notne zapise od Bajre Redžića, velikoh umjetnika na harmonici. To su notni zapisi, stari preko stotinu godina, arhivirani, a odnose se na stare pjesme sa našeg područja, na primjer kao pjesma „Dan izgubih konja jahajući“, to je jedna junačka pjesma nastala na ovom području. Nas je profesor Busuladžić znao okupiti oko tako vrijednih projekata i ideja, sjećam se da je tada s nama bila i Iskra Abdihodžić, Sanel Jušić, Adnan Nežirov, pa smo tada svi dobili po tu jednu krajišku junačku pjesmu da snimimo. To smo radili u studiju kod Nemdzada Alića koji je uvijek bio naš dobar suradnik. Takva jedna ideja je realizirana i u doba korone, kada smo svi učestvovali u snimanju pjesme „Ulicom Bišća“,

bilo nas je pedesetak, to je zaista bio veliki zadatak ali i plemenit. Iako je to bilo vrijeme pandemije, nije bilo baš jednostavno sve to organizirati, ali opet je velika istrajnost kako profesora Busuladžića i ostalih u projektu, pa na kraju i nas koji smo u njemu učestvovali bila ključna da se on uspješno i završi. Uz sve što sam uradila i što radim, posebno sam emotivna i ponosna na sve u čemu sam sudjelovala za naš grad Bihać.

KRAJINA: Jesi li imala priliku otići iz Bihaća i drugdje graditi karijeru?

Nejra: Jesam, ali ipak je moja odluka da ostanem u mom gradu. Meni je muzika donijela puno toga na čemu sam jako zahvalna, a to su i putovanja, vidjela sam mnoga mjesta, upoznala puno dragih, nesebičnih ljudi i na tome sam zahvalna, to mi je na neki način, najbolji dio života, najbolji dio od onoga što bavljenje muzikom može donijeti. Imala sma mnogo preporuka za različita gostovanja, ali povratak kući mi je uvijek bio opcija.

ANE LEGENDE



KRAJINA Od oca si stekla interes za rock, pa si pjevala pop, sama kažeš da pjevaš mnoge žanrove, ali postoji li nešto što ti je ipak najdraže pjevati pred tvojom publikom?

Nejra: To mi je najteže pitanje, ali ja se nekako najbolje osjećam kada pjevam pop-rock, nekako se tu najbolje snalazim. Ali, jednako uživam i u izvođenju drugih muzičkih žanrova, ja zapravo volim pjevati dobre pjesme, one koje zajedno sa mnom voli i publika.

KRAJINA: Na posljednjem Festivalu ljubavi, dobila si i posebnu zahvalnicu, o čemu je riječ?

Nejra: Da, dobila sam zahvalnicu za nesebičan doprinos muzičkom stvaralaštvu i ponosna sam na to, hvala organizatoru koji je prepoznao moj trud i zalaganje. Ja sam na tom festivalu učestvovala tokom zadnjih pet godina, a sa Dilvadom Dadom Felicem surađujem često, on ima svoj studio i pozive me da otpjevam neke demo snimke ili prateće vokale. Također, u nje-

govom studiju sma snimila nekoliko sevdalinki koje sam već izvodila na Festivalu ljubavi, a čak mi je i napisao jednu pjesmu koju sma također izvela na drugoj festivalskoj noći. Pjesma se zove „Nesudeni moj“. Imam još jednu svoju pjesmu koju sam izvodila u Sarajevu, napisali su je Mirza Balić i Mensura Bajraktarević, kćerka poznate pjevačice Hasibe Agić. A trenutno radim na svom projektu, naime Priki i Nino Mujagić su za mene napravili tri pjesme. Oni su jednu pjesmu napravili za Džejlu Ramović, uradila je i demo, međutim zbog nekih stavki iz njenog ugovora sa Grandom, ona je ne može snimiti. Kada sam čula tu pjesmu, odmah mi se svidjela, a očekuje do kraja godine da će biti objavljena i ona i druge. Jedna se zove „Imenom tvojim“, druga „Ne krivi me“. Alka Vuica je autor pjesme „Imenom tvojim“. Do suradnje s njom došlo je preko Priki i Nine, pa je pjesma „stigla“ do mene kao poklon. S njima sam već surađivala kada su snimali sa Marijom Šerifović, kada sam snimala back vokale za pjesmu

Od priznanja posebno ističe zahvalnicu za nesebičan doprinos muzičkom stvaralaštvu



Od djetinjstva uz Beatlese i školske priredbe, preko takmičenja i saradnji sa velikim imenima, do sadašnjeg života između laboratorije i bine, Nejra ostaje vjerna svom gradu i muzici

„Dolazi ljubav“. To su mi također trenuci na koje sam ponosna. Naravno, kada već govorim o suradnji sa drugim muzičarima, sa posebnim pijetom govorim o našoj Doni Ares, ona mi je u mojim počecima bila velika podrška. Govorila mi je da imamo istu boju i raspon glasa, Bila sam ponosna kada me je sa Iskrom i Šejlom pozvala da učestvujem na njemom koncertu u Zetri, pjevala sam prateće vokale, išla na probe s njom i drago mi je što me je spomenula u svojoj knjizi. Ona mi je uvijek bila i interesantna osoba ali i moj veliki uzor. U mom sjećanju ima posebno mjesto, ostavila je traga na našoj sceni, ali prije svega u našim srcima.

KRAJINA: S obzirom da imaš stalni posao koji nije vezan za muziku, jesu li ti nastupi nekad naporni?

Nejra: Po struci sam medicinsko-laboratorijski inženjer, zaposlena sam na Odjelu mikrobiologije. Dok sam studirala imala sma više vremena i za nastupe, kasnije mi je bilo teže sve to uklopiti. Međutim, vremenom sam naučila kako da se organiziram, pa da „jedno ne trpi drugo“, ili da sve ostalo ne trpi zbog onoga čime se bavim. Uspjela sam uskladiti posao sa mojim muzičkim nastupima, pa bez obzira koliko je to nekada teško, za sada sve funkcionira dobro, nadam se da će tako biti i ubuduće.

KRAJINA: Da li si razmišljala da snimiš samostalni album?

Nejra: Da, polako radim na tome. Imam te dvije pjesme na kojima rade Priki i Nino, Adi Bajčetić je također napisao nekoliko pjesama, pa ih sve planiram uvrstiti na moj prvi samostalni album. I ja mislim da je već došlo vrijeme za to, da imam pjesme u kojima ću se izraziti onako kako ja to želim, da budem ono što jesam.

KRAJINA: Jesi li nekad pisala pjesme?

Nejra: Jesam, imam nekoliko tekstova koje sam već snimila, mislim da je Zosko jednu moju pjesmu čak i uzeo. Erko i Zosko su me tako jedne prilike nazvali i pitali me da li bih se ljutila ako iskoriste jednu moju pjesmu koja se zove „Nema vremena“. Naravno, pristala sma, oni su me i potpisali, a tada sam još uvijek bila učenica srednje škole, tražila sam sebe u tom umjetničkom izražaju, pa i pisanjem. Osim toga, volim crtati i slikati, imam nekoliko svojih radova, osim pjevanja i pisanja pjesmi, imam sklonosti i prema slikanju i crtanju, to me također privlačilo. Nekad sam voljela praviti nakit, volim sklapati i svoje odjevne kombinacije.

KRAJINA: Na čiju podršku uvijek računaš, ti si između dva zanimljiva posla, sve to iziskuje mnogo odricanja?

Nejra: Drago mi je da mogu reći da

me sugrađani Bišćani vole i cijene, a moja porodica je naravno na prvom mjestu. Pa, moja najveća podrška bio je rahmetli otac Nihad, kojeg sam izgubila prije pet godina. Mama je uvijek bila malo „strožija“, ali sve sa najboljim namjerama. Naravno, ne želim izostaviti ni sve moje drage prijatelje, radne kolege koji uvijek za mene imaju riječi podrške, pa ako treba i dobronamjerne kritike, svi oni skupa su moj vjetar u leđa i sretna sam što imam takve ljude uz sebe. Ja zaista volim muziku i oduvijek uživam u tome, mislim da to ljudi osjete, pa tako ni podrška ne izostaje. Ja muziku dije- lim samo na dobru i lošu, ne na žanrove, a ljude ne dijelim nikako, uz mene su oni koji cijene mene i ovo što radim i to mi je najbitnije.

KRAJINA: Ti si u muzičkim vodama od djetinjstva, dobijala si i uvažavala savjete starijih kolega i prijatelja. Također, iza tebe je iskustvo. Sada, šta bi ti poručila nekoj drugoj djevojčici „Nejri“ koja mašta da ostvari san da postane pjevačica, a možda nema hrabrosti za to?

Nejra: Vjerujem da ima takvih, i ja sam bila jedna od djevojčica koja je imala takav san. Preporučila bih im svima da vjeruju u sebe, da ne odustaju od onoga što vole. Ja nisam nikad imala strah izaći pred publiku, mada početnička trema postoji, ali ona s prvim tonovima nestane. Moja poruka bi bila jednostavna, trudite se, učite, borite se za ono u šta vjerujete, vrijeme će vas svakako odvesti na vaš put, ali vi od njega ne smijete odustati. Ne bih željela nekog izostaviti, zaista je mnogo dragih ljudi s kojima sam imala suradnju, pa tu je svakako i grupa Start, pa moj dragi prijatelj Hamdija Mešić i mnogi drugi koji su obilježili moj put. Ono što me je jako obradovalo je i izlazak ovog feljtona „Bihaćke urbane legende“, gdje sma evo zahvaljujući redakciji „Krajine“ i tebi osobno, i ja uvrštena, na čemu sma zahvalna. Ovo je divan način da se ispričaju priče o ljudima koji su oplemenili naš grad Bihać, koji to i dalje čine i vjeruje da će u „legendama“ biti priči i o ljudima izvan muzičkog svijeta, jer Bišćani su uspješni i izvan toga. Dodala bih samo, kada sam već spominjala suradnje, da sam sa Almirom i Mirzom Budimlicem surađivala desetak godina. Imali smo akustične dvije gitare i vokal, a prve svirke smo imali u kiltnoj „Piramidi“. Obišli smo mnoga mjesta, išli čak u Italiju u Firenzu, sa „Inženjerima bez granica“. To se desilo u vrijeme kada je bila priča o izgarnji hidroelektrana na Uni, oni su za to čuli, došli u Bihać, a mi smo za njih priredili feštu na Japodskim otocima. Svidjelo im se kako zvučimo, pa su nas pozvali na njihov seminar u Firenzu, bio je to divan doživljaj, a muzika je pored svega, pružila mi poznanstva sa divnim ljudima.

N. Džanić

Na najvišoj tački Ljutočke doline, prema granici s Hrvatskom, i danas stoji kula bega Kulenovića. Sagrađena krajem 17. stoljeća, nekada je bila važna osmatračnica u mreži utvrda koja je čuvala ovaj kraj. Klišević, povezan sa Čukovskom kulom, Orašcem, Čovkom, Havalom i Ostrovcima, omogućavao je pogled na svaki veći pokret ljudi ili vojnika prema zapadu.

Danas, međutim, kula i prateći objekti su zapušteni. Oko nje se vide ostaci najmanje šest stambenih kuća, konjušnice i zaštitnog zida koji je nekada okruživao cijelo naselje. Tri izvora, Begovac, Kotac i Bukovac, nekada su osiguravali pitku vodu, a sada je sve prekriveno korovom.

“Kula bega Kulenovića nije bila samo vojna osmatračnica. Ona je svjedok višestoljetne historije našeg kraja. Halil-beg, najmlađi sin Mahmud-paše, bio je njen prvi vlasnik. Kasnije su begovi sa oca na sina upravljali ovim lokalitetom, a najpoznatiji među njima bio je Muhamed-beg Kurjak, koji je zastupao Muslimansku narodnu organizaciju u Budimpešti do 1918. godine,” govori Tarik Kulenović, sociolog, politolog i antropolog, porijeklom iz Ljutočke doline.

Ismet Dedić, mještatin

“Sve je isto na kuli otkako se ja sjećam, a igrao sam se ovuda s djecom kada sam bio mali. Svaki kamen je isti, ništa se nije promijenilo ni urušilo. Ovuda smo u predvečerje rata u BiH bježali spašavajući glave, i preko mosta na Uni izbili u Hrvatsku...”

Kulenović podsjeća na teške događaje koji su zauvijek obilježili Klišević i njegovu okolinu. - “Te iste 1918. godine srpske komite opljačkale su Klišević i ubile Muhamed-bega. Njega je naslijedio Malić-beg, posljednji beg ovog kraja. Godine 1941. kula i cijelo naselje spaljeni su u prvom genocidu u NDH, kada je ubijeno oko 2.300 civila, a sela i mezarja uništeni. Nakon rata, vlasti su oduzele posjede domaćim stanovnicima i dodijelile ih porodicama poginulih Srba, dok se povratak blokirao,” kaže Kulenović.

KLIŠEVIĆ - KULA KOJA ČUVA PRIČE LJUTOČKE DOLINE



Pogled na Klišević i kulnu ruševinu s drvećem u pozadini

Tarik Kulenović, sociolog, politolog i antropolog, porijeklom iz Ljutočke doline

“Kula bega Kulenovića nije bila samo vojna osmatračnica. Ona je svjedok višestoljetne historije našeg kraja. Halilbeg, najmlađi sin Mahmud-paše, bio je njen prvi vlasnik. Kasnije su begovi sa oca na sina upravljali ovim lokalitetom, a najpoznatiji među njima bio je Muhamed-beg Kurjak, koji je zastupao Muslimansku narodnu organizaciju u Budimpešti do 1918. godine”

Nekada strateška osmatračnica, danas zapuštena ruševina prepuštena korovu i zaboravu

buk, gdje su graditelji Unske pruge imali bazni logor. S obzirom na višestoljetnu historiju i strateški položaj, lokalitet je zanimljiv i kulturno i historijski, ali bez interesa nadležnih, sve ostaje u zaboravu,” zaključuje Kulenović.

Na putu prema kuli na Kliševiću susreli smo Ismeta Dedića, koji danas na ovom području čuva stoku i, kako kaže, svakodnevno susreće turiste i strance, ali im nema ko objasniti historijski značaj lokaliteta, pa često preuzima ulogu turističkog vodiča.

- Sve je isto na kuli otkako se ja sjećam, a igrao sam se ovuda s djecom kada sam bio mali. Svaki kamen je isti, ništa se nije promijenilo ni urušilo. Ovuda smo u predvečerje rata u BiH bježali spašavajući glave,

ve, i preko mosta na Uni izbili u Hrvatsku. Ovo mjesto ima višehistorijski značaj, - kazao je Dedić.

On naglašava da turisti koji zalutaju do Kliševića ostaju impresionirani, ali da nedostatak vodiča i bilo kakve informativne table dodatno pokazuju odnos društva prema ovom vrijednom spomeniku.

Kula na Kliševiću zaslužuje obnovu i dostojno mjesto u kolektivnom pamćenju ali i da bude obilježena na turističkoj mapi Grada Bihaća, umjesto da bude prepuštena daljem propadanju.

F. Vojić

Ismet Dedić pokazuje lokalitet novinaru Krajine

Danas Klišević izgleda napušteno, a pokušaji da se lokalitet barem simbolično obilježi, poput postavljanja klupe kraj kule, nisu uspjeli - klupa je istrulila i stopila s ruševinama. Kulenović ističe i rijetku arhitektonsku zanimljivost:

“Pored kule nalazi se kuća s podrumom pod zemljom, što nije česta pojava u muslimanskoj arhitekturi ovog kraja. Tu je, u kući Malić-bega, održa-

Ruševina kuće s podrumom, obrasla travom

van i politički život - sastanci komesara KPJ uoči Drugog svjetskog rata.”

Klišević, dodaje on, ima veliki turistički potencijal - “Kilometar od kule je Štrbački



CILJ NASTUPA MINISTARSTVA I PEDAGOŠKOG ZAVODA NA SAJMU JE PRIBLIŽITI JAVNOSTI NJIHOV RAD I NAGLASITI VAŽNOST OBRAZOVANJA, NAUKE I KULTURE KAO TEMELJA ODRŽIVOG RAZVOJA

Ministarstvo obrazovanja i Pedagoški zavod Unsko-sanskog kantona na EKOBIS-u 2025 - Povezivanje škole i privrede u fokusu predstavljanja

Održavanje 21. međunarodnog sajma ekologije – EKOBIS 2025, obilježilo je i predstavljanje Ministarstva obrazovanja, nauke, kulture i sporta Unsko-sanskog kantona, zajedno s Pedagoškim zavodom. Tokom nastupa posjetiocima je predstavljen niz projekata i aktivnosti koji mijenjaju obrazovni sistem i jačaju njegovu povezanost s privredom. Nastupi i prezentacije obrazovnog sektora nastavit će se i u narednom periodu.

„U saradnji s Privrednom komorom USK, Pedagoškim zavodom i uz podršku njemačke organizacije GIZ, naglasak je stavljen na ono što je danas najvažnije – povezivanje obrazovanja i tržišta rada. Na taj način, naši učenici i studenti dobijaju priliku da steknu znanja i vještine koje ih vode ka sigurnom zaposlenju, dok privreda dobija stručne i spremne kadrove. Predstavljajući su ključni projekti koji su već promijenili i nastavljaju mijenjati obrazovanje u našem kantonu: kurikularna



reforma, modernizacija nastavnih planova i programa, jačanje sistema osiguranja kvaliteta, unaprjeđenje praktične nastave i dualnog obrazovanja, te razvoj digitalnih i zelenih kompetencija. Obrazovanje nije samo učenje – ono je ključ koji otvara vrata boljem sutra za našu djecu i cijelo društvo“, izjavio je Denis Osmankić, ministar obrazovanja u Vladi USK.

Cilj nastupa Ministarstva i Pedagoškog zavoda na sajmu je, kako navode, približiti javnosti njihov rad i naglasiti važnost obrazovanja, nauke i kulture kao temelja održivog razvoja.

„Naš cilj je približiti javnosti ono što radimo, otvoriti prostor za saradnju i pokazati da su obrazovanje, nauka i kultura bitni elementi održivog razvoja. Vjerujemo da će naše prvo predstavlja-

nje na ovom sajmu doprinijeti boljoj povezanosti s građanima, institucijama i partnerima iz zemlje i inostranstva. EKOBIS je dobra platforma za razmjenu informacija, znanja i primjera dobre prakse, te prilika da prezentiramo aktivnosti koje provodimo s posebnim akcentom na kvalitet obrazovanja“, naglasila je Albijana Trnavci, sekretar Ministarstva obra-

zovanja USK.

Svoje učešće obrazovni sektor koristi i za jačanje saradnje sa školama, nastavnicima i stručnjacima u obrazovanju, ali i s međunarodnim partnerima.

„Ove godine smo odlučili da se zajedno s Ministarstvom obrazovanja USK predstavimo građanima na EKOBIS sajmu, kako bismo pokazali koji su poslovi Pedagoškog zavoda, šta radi-

mo, šta smo do sada objavili i koji je opis naših zadataka“, kazao je Adis Džaferović, direktor JU Pedagoški zavod USK.

Prisutnost obrazovnog sektora na jednom od najvećih privrednih događaja u ovom dijelu zemlje, jasna je poruka da bez kvalitetnog i savremenog obrazovanja nema ni snažne privrede ni održivog društvenog razvoja.

URED ZA BORBU PROTIV KORUPCIJE USK I SIPA

Održali radno - konsultativni sastanak



Predstavnici Ureda za borbu protiv korupcije Unsko-sanskog kantona i Državne agencije za istrage i zaštitu (SIPA) održali su radno-konsultativni sastanak na kojem se razgovaralo o uspostavljanju saradnje između Ureda za borbu pro-

otiv korupcije Unsko-sanskog kantona i SIPA-e, u kontekstu implementacije Zakona o prijavljivanju i postupku provjere podataka o imovini nosilaca javnih funkcija u Unsko-sanskom kantonu.

Ovaj sastanak predsta-

vlja nastavak kontinuiranih aktivnosti Ureda za borbu protiv korupcije Unsko-sanskog kantona na jačanju institucionalnih kapaciteta i izgradnji mreže partnerstava s relevantnim institucijama u Bosni i Hercegovini, istaknuto je tokom razgovora.

POVODOM JUBILEJA 50. GODINA RADA I POSTOJANJA RADIO CAZIN



Savjetnik premijera Almir Zulić i zastupnica Aida Pašić-Čizmić posjetili kolektiv RTV Cazin

Povodom jubileja 50. godina rada i postojanja Radio Cazin, savjetnik premijera Unsko-sanskog kantona Almir Zulić i zastupnica u Skupštini Kantona Aida Pašić-Čizmić, posjetili su kolektiv RTV Cazin te

im čestitali ovaj značajan jubilej.

Savjetnik Zulić i zastupnica Pašić - Čizmić istakli su da kolektiv Radio-televizije Cazin, dosljedno svojoj dugoj tradiciji postojanja, uvijek vrijedno radi

za svoje slušaoce i gledaoce, te da će u projektima koji su ovom preduzeću značajni za dalje unaprjeđenje programa i rada, i dalje imati podršku kantonalne vlasti.

F. V.

oglasi

Na osnovu člana 110. i 111. Zakona o osnovnom odgoju i obrazovanju („Službeni glasnik Unsko-sanskog kantona“, broj: 19/23), Pravilnika za prijem u radni odnos u osnovnim i srednjim školama Unsko-sanskog kantonabroj: 10-02-9525-1/21. od 13. 9. 2021. godine, Saglasnosti za raspisivanje konkursa Ministarstva obrazovanja, nauke, kulture i sporta USK-a broj: 10-34-10224-2/25 od 26. 8. 2025.godine i Odluke Školskog odbora broj: 0838/2025 od 05. 09. 2025. godine, JU OŠ „Podzvizd“ Podzvizd raspisuje

KONKURS
za popunu radnih mjesta

R. broj	Radno mjesto	Broj sati	Vrijeme angažiranja
1.	Nastavnik matematike	4 časa	Na određeno radno vrijeme, a najduže do kraja školske 2025/2026. godine
2.	Nastavnik bosanskog jezika i književnosti	1 izvršilac	Na određeno radno vrijeme do povratka radnika s bolovanja, a najduže do kraja školske 2025/26. godine
3.	Nastavnik engleskog jezika	7 časova	Na određeno radno vrijeme, a najduže do kraja školske 2025/2026. godine
4.	Nastavnik informatike	1 čas	Na određeno radno vrijeme, a najduže do kraja školske 2025/2026. godine
5.	Nastavnik vjeronauke	5 časova	Na određeno radno vrijeme, a najduže do kraja školske 2025/2026. godine
6.	Psiholog	0,50 % norme	Na određeno radno vrijeme, a najduže do kraja školske 2025/2026. godine
7.	Bibliotekar	1 izvršilac	Na određeno radno vrijeme do povratka radnika s funkcije, a najduže do kraja školske 2025/2026. godine
8.	Nastavnik razredne nastave	1 izvršilac	Na određeno radno vrijeme do povratka radnika s funkcije, a najduže do kraja školske 2025/2026. godine
9.	Nastavnik razredne nastave	1 izvršilac	Na određeno radno vrijeme, a najduže do kraja školske 2025/2026. godine
10.	Nastavnik geografije	11 časova	Na određeno radno vrijeme, a najduže do kraja školske 2025/2026. godine
11.	Nastavnik demokratije i ljudskih prava	2 časa	Na određeno radno vrijeme, a najduže do kraja školske 2025/2026. godine
12.	Radnik na održavanju higijene	1 izvršilac	Na određeno radno vrijeme, a najduže do kraja školske 2025/2026. godine
13.	Radnik na održavanju higijene	2 izvršioca	Na određeno radno vrijeme do povratka radnika s bolovanja, a najduže do kraja školske 2025/26. godine

OPIS POSLOVA:
Opis poslova za radna mjesta pod rednim brojem 1, 2, 3, 4, 5, 8, 9, 10, 11:
Organizuje i izvodi nastavu u skladu sa Pedagoškim standardima, Godišnjim programom rada JU OŠ „Podzvizd“ i prema Nastavnom planu i programu, izrađuje Individualizirani odgojno-obrazovni program za djecu s teškoćama u razvoju, te podstiče i pomaže vannastavne aktivnosti učenika, razvija ključne kompetencije kod učenika koje ih osposobljavaju za život i rad i na taj način im pružaju osnov za dalje učenje, pruža dodatnu podršku učenicima iz osjetljivih društvenih grupa, talentiranim učenicima i učenicima sa teškoćama u razvoju da ostvare obrazovne i odgojne potencijala u skladu sa vlastitim mogućnostima, doprinosi efikasnosti i jednakim pravima i dostupnosti školovanja svih učenika, provodi postupke prevencije nasilja u školama, izgradnji tolerancije i sprečavanja diskriminacije, te radi i druge poslove u skladu sa važećim zakonskim i podzakonskim aktima.

Opis poslova za radno mjesto pod rednim brojem 6:
Psiholog u odgojno-obrazovnoj ustanovi je stručni saradnik, član nastavnog osoblja koji primjenjuje stečena znanja i vještina iz fundamentalnih i primijenjenih oblasti

psihologije, a primarno iz školske, razvojne i socijalne psihologije. Psiholog ustanove primjenom teorijskih i praktičnih saznanja psihologije kao nauke doprinosi ostvarenju i unapređenju odgojno-obrazovnog rada u ustanovi u skladu sa ciljevima i principima odgoja i obrazovanja i standardima postignuća učenika i djece definisanih Zakonom o osnovnom odgoju i obrazovanju. Težište rada psihologa usmjereno je ka prepoznavanju, razumijevanju i objašnjenju djetetovih/učeničkih potreba i ponašanja u neposrednom radu (s učenicima, nastavnicima i roditeljima) te pružanju različitih vidova psihološke podrške u optimizaciji djetetovih/učeničkih stanja i ponašanja. Poslovi i radni zadaci psihologa: konceptijsko-programski zadaci, programiranje, ostvarivanje i analiza odgojno-obrazovnog rada, psihološka dokumentacija, neposredna saradnja s nastavnicima, stručnim saradnicima, direktorom, pripravniciima studentima u planiranju i realizovanju odgojno-obrazovnog rada, stručni rad sa djecom/učenicima i učeničke organizacije, unapređenje odgojno-obrazovnog procesa, saradnja sa institucijama, saradnja sa roditeljima/starateljima, istraživačke analize i praćenja u praksi školskog psihologa, stručno usavršavanje i drugi poslovi po nalogu direktora i organa upravljanja.

Opis poslova za radno mjesto pod rednim brojem 7:
Bibliotekar planira nabavku i obnovu bibliotekog fonda knjigama i časopisima, vrši prijem, evidenciju, izdavanje i povrat knjiga od učenika te inventarisanje knjiga i časopisa, vrši evidencije čitalaca i obavlja korespodenciju sa izdavačem, radi na popularizaciji knjige i časopisa kod učenika i vrši stručnu analizu rezultata u okviru programa rada škole, organizuje susrete sa književnicima i rad sekcije ljubitelja knjige, stručno se usavršava i saraduje u cilju informisanja s nastavnicima, učenicima i roditeljima, obavlja i druge poslove određene Zakonom, Pedagoškim standardima, Pravilima i drugim općim aktima škole po nalogu direktora.

Opis poslova za radno mjesto pod rednim brojem 12 i 13:
Radnik na održavanju higijene obavlja sljedeće poslove:
- redovno održava higijenu i brine o optimalnim higijenskim uvjetima za rad u svim prostorima koji se koriste i održavaju;
- vrši dezinfekciju i higijenski zadovoljavajuće održavanje prostora i opreme;
- redovno čisti i održava školsko dvorište (i korisni otvoreni prostor);
- dežura, brine o čuvanju inventara i opreme u prostorima u kojima održava higijenu;
- sprječava nastajanje šteta u prostorijama u kojima održava higijenu;
- evidentira i obavezno obavještava neposrednog rukovodioca o eventualnim štetama pričinjenim u prostorima u kojima održava higijenu;
- odovara za pričinjenu štetu u radnom vremenu u prostorima u kojima održava higijenu, a o čemu nije obavijestio neposrednog rukovodioca;
- njeguje cvijeće i drugo hortikulturno uređenje u prostorima u kojima održava higijenu (unutrašnje i vanjsko);
- u saradnji sa domarom u periodu raspusta za učenike obavlja određene poslove na generalnom detaljnom održavanju i čišćenju prostora u kojima održava higijenu;
- prema potrebi obavlja poslove dostave i donošenja pošte, kako interne u krugu škole (odluke, rješenja i sl.), tako i eksternu van škole (dopisi, pošta za školu i sl.);
- saraduje sa nastavnicima, stručnim saradnicima i ostalim radnicima JU OŠ „Podzvizd“;
- obavlja i druge poslove utvršene propisima i općim aktima Škole i, prema nalogu direktora ili neposrednog rukovodioca, u skladu sa kompetencijama;

OPĆI UVJETI ZA IZBOR NA UPRAŽNJENA RADNA MJESTA:
1.
a) da je državljanin BiH,
b) da je stariji od 18 godina,
c) da ima odgovarajuću diplomu, odnosno stepen stručne spreme utvrđen Nastavnim planom i programom za osnovne škole ili Pedagoškim standardima i normativima za osnovno obrazovanje,
d) da je zdravstveno sposoban za obavljanje poslova utvrđenih za to radno mjesto,
e) da nije obuhvaćen odredbom člana 9, stav (1) Ustava BiH,
f) da nije osuđen za krivično djelo koje ga s obzirom na prirodu krivičnog djela čini nesigurnim ili na drugi način nepodobnim za rad sa djecom,
g) da se protiv njega ne vodi krivični postupak,
2. Lica koja su rođena poslije 1980. godine nisu dužna podnositi dokaze o ispunjavanju uvjeta iz tačke e), stav (1) ovog člana.

POSEBNI UVJETI:
Za poziciju broj 1: Završen VI ili VII stepen stručne spreme ili završen prvi ciklus

(180 ili 240 ECTS) po bolonjskom obrazovanju, odgovarajućeg (nastavničkog) smjera i stečenim zvanjem: nastavnik, odnosno profesor, odnosno bakalaureat / bachelor: grupa matematika ili grupa u kojoj je matematika glavni ili ravnopravni predmet u dvopredmetnoj grupi.
Za poziciju broj 2: Završen VI ili VII stepen stručne spreme, ekvivalent /180/240 ECTS, nastavnik/profesor/bachelor bosanskog jezika i književnosti, u skladu sa važećim Zakonskim propisima, profil prema Nastavnom planu i programu, Pedagoškim standardima i normativima.
Za poziciju broj 3: Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, odnosno odgovarajući fakultet zvanjem nastavnik/profesor/bachelor engleskog jezika i književnosti.
Za poziciju broj 4: Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, odnosno odgovarajući fakultet zvanjem nastavnik/profesor/bachelor informatike.
Za poziciju broj 5: Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, koje ima važeću saglasnost Islamske zajednice i diplomu stečenu na jednom od fakulteta Islamske zajednice u Bosni i Hercegovini sa odsjeka za teologiju ili islamsku vjeronauku.
Za poziciju broj 6: Završeno visoko obrazovanje VII stepen stručne spreme i zvanje diplomirani psiholog, diplomirani pedagog-psiholog ili ekvivalent; b) završenim I ili II ciklusom studija psihologije (300 ECTS) i zvanjem magistar/master psihologije; c) završenim I ciklusom studija u inozemstvu na akreditovanoj visokoškolskoj ustanovi (koja se nalazi u zvaničnoj evidenciji ENIC/NARIC mreže) za koji je proveden postupak priznavanja inostranih visokoškolskih kvalifikacija od strane javnih univerziteta u Bosni i Hercegovini za sticanje odgovarajuće visokoškolske kvalifikacije prvog ciklusa visokog obrazovanja.
Za poziciju broj 7: stečenim VII stepenom stručne spreme i zvanjem: diplomirani bibliotekar ili diplomirani komparativista i bibliotekar ili diplomirani komparativista i diplomirani bibliotekar; završenim I ciklusom bolonjskog visokoobrazovnog procesa (240 ECTS) i stečenim zvanjem: diplomirani komparativista i bibliotekar; završenim II ciklusom bolonjskog visokoobrazovnog procesa i stečenim zvanjem: magistar/master bibliotekarstva ili magistar/master bibliotekarstva i druga studijska grupa (dvopredmetni studij koji sadrži bibliotekarstvo) sa završenim I ciklusom prethodno studija bibliotekarstva ili studija koji sadrži bibliotekarstvo;
Za poziciju broj 8 i 9: VSS –VII stepen, Završena Pedagoška akademija (VSS) fakultet VSS, četverogodišnji studij – profesor razredne nastave, završen I, II ili III ciklus bolonjskog visokoobrazovnog procesa na nastavničkom fakultetu.
Za poziciju broj 10: Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, odnosno odgovarajući fakultet zvanjem nastavnik/profesor/bachelor geografije.
Za poziciju broj 11: Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja na nastavničkom fakultetu ili drugom fakultetu i položenom pedagoško-psiholo-

loškom grupom predmeta i koji je oba-vezno prošao obuku stručnog usavršavanja za užestručnu oblast građanskog obrazovanja koji provodi CIVITAS Obrazovni centar za demokraciju i ljudska prava i posje-duje Certifikat za uspješno zavr-šenu obuku iz programa CIVITAS „osnove demokratije“.

Za poziciju broj 12 i 13: Završena osnovna ili srednja škola u skladu sa važećim zakonskim i podzakonskim propisima, NPP i važećim Pedagoškim standardima i normativima

Za prijavljivanje su potrebni dokumenti:

- svojeručno potpisanu prijavu na konkurs sa kratkom biografijom, kontakt podacima kandidata, tačnom naz-nakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- ovjerenu kopiju diplome/svjedodžbe o stečenoj stručnoj spremi ili akademskom zvanju,
- izvod iz matične knjige rođenih, original ili ovjerenu kopiju,
- uvjerenje o državljanstvu BiH (ne starije od 6 mjeseci od dana objavljivanja konkursa),
- ovjerena izjava kod nadležnog organa da nije otpušten iz državne službe kao rezultat disciplinske mjere na bilo kojem nivou vlasti u BiH,
- ovjerena izjava kod nadležnog organa da nije obu-hvaćen odredbom člana 9. stav (1) ustava BiH,
- druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilnikom o unutrašnjoj organizaciji i sistematizaciji radnih mjesta.

U slučaju da nakon bodovanja dva ili više kandidata imaju jednak broj bodova primijenit će se član 11. stav (5) i (6) Pravilnika za tu svrhu kandidati su dužni dostaviti dodatnu dokumentaciju:

1. Uvjerenje o dužini radnog iskustva na poslovima radnog mjesta za koje konkuriše (uvjerenje poslodavca kod kojeg je kandidat radio ili radi, koje mora biti pre-cizno i detaljno, odnosno u kojem treba da stoje podaci o tome na kojim poslovima je kandidat radio, naziv radnog mjesta i stručna sprema, vremenski period obavl-janja poslova, te da li su to poslovi na puno ili nepuno radno vrijeme. Poslodavac je dužan nepuno radno vri-jeme preračunati u puno radno vrijeme).
2. Kandidati koji su obuhvaćeni Zakonom o dopunskim pravima branioca i članova njihovih porodica Unsko – sanskog kantona dužni su dostaviti rješenje nadležnog organa o pripadajućim pravima koje glasi na njihovo ime. Dokumentacija koja se podnosi uz prijavu mora biti u originalu ili u ovjerenoj kopiji i ne može biti starija od 6 mjeseci.

Izbor i prijem kandidata prijavljenih na konkurs izvršit će se na osnovu Pravilnika za prijem u radni odnos u osno-vnim i srednjim školama Unsko sanskog kantona br: 10-02-9525-1/21 od 13.9.2021. godine, u tekstu: „Pravilnik“. Komisije za izbor nastavnika, stručnih saradnika i pomoćno-tehničkog osoblja obavit će postupak izbora kandidata koji ispunjavaju uvjete konkursa. O terminu postupka izbora kandidati će biti obavješteni putem tele-fona, a lista sa utvrđenim terminom postupka se objavljuje i na oglasnoj tabli škole.

Za kandidate koji se ne odazovu pozivu, u datom zakon-skom roku prijave se neće razmatrati. Kandidati koji se nisu kvalifikovali u daljnu proceduru će biti obavješteni pismenim putem sa poukom o pravnom lijeku od strane škole.

Konkurs ostaje otvoren 8 dana od dana objavljivanja u sedmičnim novinama „Krajina“.

Nepotpune, neuredne i neblagovremene prijave Komisija će odbaciti.

Nepotpune i neblagovremene prijave neće se uzimati u razmatranje.

Izabrani kandidat dužan je prije stupanja na posao do-staviti ljekarsko uvjerenje nadležne zdravstvene ustano-ve koje ne može biti starije od 6 mjeseci i uvjerenje o nekažnjavanju koje izdaje Ministarstvo unutrašnjih poslova po mjestu rođenja osobe.

Za dodatna objašnjenja mogu kontaktirati sekretara škole na telefon 037/718-923.

Prijave, sa potrebnom dokumentacijom, dostavlja se u roku od 8 dana od objave javnog konkursa Komisiji, u zatvorenoj koverti putem pošte, preporučeno na adresu:

JU OŠ „Podzvizd” Podzvizd
Podzvizd bb,
77230 Velika Kladuša

sa naznakom pozicije na koju se konkuriše i naznakom „ NE OTVARAJ - PRIJAVA NA JAVNI KONKURS“

Direktor škole:
Elvir Omeragić, prof. s.r.

Na osnovu člana 116. Zakona o srednjem obrazovanju („Službeni glasnik Unsko-sanskog kantona“, broj: 17/12, 12/19 i 15/20), člana 8 i 9 Kolektivnog ugovora za djelatnost srednjeg obrazovanja za teritorij USK-a (Sl. glasnik USK-a br.2/21), Odluke Školskog odbora broj: 442-8/25. od 10.9.2025. godine, Saglasnosti za raspisivanje konkursa Ministarstva obrazovanja, nauke, kulture i sporta USK-a br: 10-34-10146-2/25 od 25. 8. 2025., JU Mješovita srednja škola „Profesor Omer Filipović“ Ključ raspisuje

K O N K U R S
za popunu radnih mjesta

R. broj	Radno mjesto	Broj sati	Vrijeme angažiranja
1.	Profesor fizike	11 časova	neodređeno
2.	Profesor latinskog jezika	4 časa	neodređeno
3.	Profesor likovne kulture	2 časa	neodređeno
4.	Predavač praktične nas-tave trgovačke struke	6 časova	Na određeno, a najduže do kraja školske 2025/26. godine
5.	Profesor informatike	4 časa	Na određeno, a najduže do kraja školske 2025/26. godine
6.	Asistent u nastavi	1 izvršilac	Na određeno, a najduže do kraja školske 2025/26. godine

OPĆI UVJETI ZA IZBOR NA UPRAŽNJENA RADNA MJESTA:

- da je državljanin BiH,
- da je stariji od 18 godina,
- da je zdravstveno sposoban za oba-vljanje poslova utvrđenim za to radno mjesto
- da u posljednje 3 godine od dana objavljivanja upražnjenog radnog mjesta nije otpuštan iz državne službe kao rezultat disciplinske mjere na bilo kojem nivou vlasti u BiH,
- da nije obuhvaćen odredbom člana 9 stav (1) Ustava BiH,
- da se ne vodi krivični postupak pro-tiv tog lica,
- da ima odgovarajući stepen stručne spreme.

POSEBNI UVJETI:

- **Za poziciju br 1.** Profesor fizike, VSS ili bachelor 240 ECTS
- **Za poziciju broj 2.** Profesor klasične filologije, profesor latinskog jezika i rimske književnosti, profesor francus-kog jezika i književnosti i latinskog je-zika, profesor bosanskog/hrvatskog jezika i književnost i latinskog jezika, profesor njemačkog jezika i knjiže-vnost i latinskog jezika, profesor his-torije/ povijesti i latinskog jezika, VSS, bachelor /bakalaureat 240 ECTS ili 180 ECTS, jednopredmetni ili dvo-predmetni studij na kojem je latinski jezik prvi ili drugi predmet
- **Za poziciju 3.** Profesor historije umjetnosti ili završen bilo koji odsjek na akademiji likovnih i primijenjenih umjetnosti sa položenom pedagoško-psihološkom grupom predmeta,
- **Za poziciju broj 4.** Diplomirani ekonomist VII stepen, bachelor / ba-kalaureat 180 ili 240 ECTS

- Za poziciju broj 5. Nastavnici koji su završili fakultet na kojem se stiče zvanje diplomirani informatičar, ili diplomirani inženjer elektrotehnike, smjer informatika ili računarstvo, ili diplomirani inženjer elektrotehnike, smjer elektronika, ili diplomirani eko-nomist, smjer poslovna informatika, ili profesor matematike, smjer mate-matika sa informatikom, ili profesor elektrotehnike, ili profesori drugih predmeta koji su završili dvosemes-tralni kurs informatike na Elektro-tehničkom ili drugom fakultetu.

- **Za poziciju broj 6.** Pomoćnik u nas-tavi-asistent – visoko obrazovanje (240 ECTS) ili ekvivalent - defektolog

bilo kojeg usmjerenja, edukator – re-habilitator, logoped – surdoaudiolog, visoko obrazovanje (240 ECTS) ili ek-vivalent nastavničkog usmjerenja, pe-dagog, pedagog-psiholog, socijalni radnik, visoko obrazovanje (180 EC-TS), više obrazovanje nastavničkog smjera. Kandidat mora imati dodatno stručno osposobljavanje uz certificira-nje kroz program koji realizira Mini-starstvo obrazovanja, nauke, kulture i sporta ili ga provodi druga institucija ili organizacija koja ima odobrenje Ministarstva za realizaciju osposoblja-vanja pomoćnika u nastavi / asistenta.

UZ PRIJAVU KANDIDATI/KANDI-DATKINJE SU DUŽNI PRILOŽITI DOKAZE O ISPUNJAVANJU PROPISANIH UVJETA:

1. prijava sa kraćom biografijom (sa adresom, kontakt telefonom radi poziva na intervju)
2. ovjerenu kopiju diploma,
3. izvod iz matične knjige rođenih,
4. uvjerenje da je državljanin BiH (ne starije od 6 mjeseci)
5. ovjerena izjava kod nadležnog organa da nije otpuštan iz državne službe kao rezultat disciplinske mjere na bilo kojem nivou vlasti u BiH.
6. ovjerena izjava da nije obuhvaćen odredbom člana 9 stav (1) ustava BiH.
7. druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilni-kom o unutrašnjoj sistematizaciji rad-nih mjesta.
8. rješenje / uvjerenje nadležnog kan-tonalnog / općinskog organa o prizna-vanju svojstva užeg člana porodice šehida/poginulog branioca, član poro-dice nestalog i umrlog branioca, do-bitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zaroblje-nika i demobilisanog branioca, ratnog vojnog invalida, civilne žrtve rata i člana porodice civilnih žrtava rata.

Navedeni dokumenti moraju biti orig-inal ili ovjerena kopija.

Izbor i prijem kandidata prijavljenih na konkurs izvršit će se na osnovu Pravilnika za prijem u radni odnos u osnovnim i srednjim školama Unsko-sanskog kantona br: 10-02-9525-1/21 od 13.09.2021. godine, u daljem tek-

stu:„Pravilnik“.

Prioritet u zapošljavanju:

Prioritet kod izbora za popunu upražnjenih radnih mjesta putem konkursa/oglasa prije bodovanja imaju osobe proglašene tehnološkim viškom, u skladu sa Pravilnikom o definiranju kriterija za proglašenje uposlenika za čijim je radom dje-limično ili potpuno prestala potreba, te uvjeti preuzimanja uposlenika iz jedne škole u drugu („Službeni glas-nik Unsko-sanskog kantona“, broj: 13/19, 16/20).

DODATNA DOKUMENTACIJA ZA BODOVANJE KANDIDATA/KAN-DIDATKINJA

1. Pored gore navedenih dokume-nata, svaki kandidat može dostaviti svu raspoloživu dodatnu dokumen-taciju na osnovu koje će se izvršiti bodovanje u skladu sa Pravilnikom:

- uvjerenje o dužini radnog staža nakon sticanja odgovarajuće stručne spreme (uvjerenje poslodavca kod kojeg kandidat radio ili radi, koje mora biti precizno i detaljno, odnosno u kojem treba da stoje podaci o tome na kojim poslovima je kandidat radio, naziv radnog mjesta i stručna sprema, vremenski period obavljanja poslova, te da li su to poslovi na puno ili nepuno radno vrijeme. Poslodavac je du-žan nepuno radno vrijeme preraču-nati u puno radno vrijeme).
- Rješenje / uvjerenje nadležnog kan-tonalnog / općinskog organa o prizna-vanju svojstva užeg člana porodice šehida/poginulog branioca, član poro-dice nestalog i umrlog branioca, dobit-nika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zaroblje-nika i demobilisanog branioca, ratnog vojnog invalida, civilne žrtve rata i člana porodice civilnih žrtava rata.

Postupak izbora kandidata/kinja po konkursu izvršit će se prema odred-bama Pravilnika.

Komisija za izbor nastavnika i stru-čnih saradnika, Komisija za izbor sekretara i knjigovođe obavit će pos-tupak izbora kandidata koji ispun-javaju uvjete konkursa. O terminu po-stupka izbora kandidati će biti usme-no obavješteni putem telefona, a lista kandidata se objavljuje i na oglasnoj tabli škole. Za kandidate koji se ne odazovu pozivu, prijave se neće raz-matrati.

Kandidati koji se nisu kvalifikovali u daljnu proceduru će biti obavješteni pismenim putem sa poukom o pravnom lijeku od strane škole.

Konkurs ostaje otvoren 8 dana od dana objavljivanja.

Nepotpune i neblagovremene prijave neće se uzimati u razmatranje.

Izabrani kandidat dužan je prije stu-panja na posao dostaviti ljekarsko uvjerenje nadležne zdravstvene usta-nove koje ne može biti starije od 6 mjeseci i uvjerenje da se protiv njega ne vodi krivični postupak koje izdaje nadležni sud.

Prijave slati isključivo poštom na adresu škole sa naznakom Prijava na konkurs:

JU Mješovita srednja škola
„Profesor Omer Filipović”
Branilaca BIH 86,
79280 Ključ

Direktor škole
Suad Karat



SJEĆANJE na naše drage roditelje

S ljubavlju, tužom i ponosom čuvamo uspomenu na Vas.
U sreću nosimo i ne zaboravljamo Vašu dobrotu i ljubav koju ste imali za sve nas.
Hvala Vam na svoj dobroti i ljubavi kojom ste nas obasipali cijelog svog života.
Zauvijek ćete biti u našim srcima i nikad Vas nećemo zaboraviti.
Neka Vam Allah dž.š. podari lijep džennet i sve džennetske ljepote.
Vaši sinovi i kćeri sa porodicama



HASIBA (Ibrahim) HRUSTANOVIĆ
11.09.2015. – 11.09.2025.

IBRAHIM (Ferid) HRUSTANOVIĆ
17.11.2003. – 17.11.2025.



TUŽNO SJEĆANJE na naše drage roditelje

Vrijeme koje prolazi ne ublažuje bol, tužu i prazninu u našim srcima. Lako vas je bilo voljeti, ali teško izgubiti i bez vas dalje živjeti.
Neka vam dragi Allah dž.š. podari lijepi džennet i vječni rahmet.

Porodica

AZIZ ZULIĆ
15.09.2014. – 15.09.2025.

UMIJA (Salihagić) ZULIĆ
24.09.2023. – 24.09.2025.



ZLATAN DELIĆ
12.09.2023. – 12.09.2025.

Prošle su dvije godine od kad nisi s nama. Premalo riječi, a previše tuže i bola da ti kažemo koliko te volimo i koliko nam nedostaješ. Ostaju uspomene i sjećanja, a tvoj lik je zauvijek u našim srcima i mislima.

*Tvoji najmiliji: otac Asim,
sestra Jasmina, zet Rasim
i sestrčići Sandi i Orhan*

Tužne dvije godine od odlaska
našeg voljenog



ZLATANA DELIĆA

Vrijeme ne donosi zaborav,
ne briše uspomene i našu ljubav.

*Tvoj stric Irfan
sa porodicom*



ZLATAN DELIĆ
12.09.2023. – 12.09.2025.

Prošle su dvije tužne godine od
tvoje odlaska.
Vrijeme koje prolazi ne donosi
zaborav, već ljubav i sjećanje na
tebe.

Ostat ćeš voljen
i nikad zaboravljen.

*Tvoja sestrčina Zlata
sa porodicom*



POSLJEDNJI POZDRAV NAŠEM

PETRU

Zauvijek ćeš živjeti u našim srcima.

Brat Uroš sa porodicom



TUŽNO SJEĆANJE

*Porodice Vlaisavljević,
Vasović i Ivanović*



BAHRA VLAISAVLJEVIĆ NEDJELJKO VLAISAVLJEVIĆ
12.09.2024. – 12.09.2025. – Braco 14.02.2014. – 2025.



Dana 17.9.2025. navršava se pet godina od preranog odlaska naše drage

MIRZETA (Đulaga)
VUKOVIĆ

15.06.1962. – 17.09.2020.

Hvala ti za lijepe uspomene koje će nas uvijek podsjećati na dobrotu i ljubav koju si nam pružala.

Porodice: Vuković, Hodžić,
Pečenković, Bilić, Piralić i Fazlić



MESUD (Mustafa) PAŠIĆ

Rođen 17.05.1965. godine, borac 5. korpusa, drugog bataljona, prve čete, trećeg voda, druge desetine, strijelac. Poginuo 15.09.1992.godine u rejonu Lohovskih brda. Dana 15.09.2025.godine navršavaju se 33 tužne godine kako nije sa nama naš voljeni otac, suprug i brat. Tuđa i praznina koja je ostala za tobom nikad ne prolazi. Zauvijek ćeš biti u našim srcima i životima. Da ti Allah dž.š., da lijepi džennet i vječni rahmet. Tvoji najmiliji: supruža Safeta, sin Sanel, kćerka Sajra te sestre Fadila, Rasima, Mersed, Ajka te brat Denijal



Dana 14.9.2025. navršavaju se dvije godine od smrti

RAZIJA LONIĆ

S ljubavlju, ponosom i poštovanjem uvijek se sjećamo tvoje plemenitosti i dobrote.

Tvoji: Jusuf, Edin, Amila, Dika, Nurzekija i Ekrem sa porodicom



TUŽNO SJEĆANJE

Dana 14.9.2025. navršava se 20 godina otkako nisi sa nama

FATMA (Čavkić) ALIJAGIĆ

Svijet se mijenja iz godine u godinu, naši životi iz dana u dan, ali ljubav i sjećanje na tebe nikad neće proći. Nedostaješ nam, draga naša majko.

Tvoji najmiliji



TUŽNO SJEĆANJE

na saborca i prijatelja

IRFAN (Muharema) KARABEGOVIĆ

Dragi prijatelju, Godine prolaze, ali sjećanja i uspomene vječno traju i čuvam ih s poštovanjem. Neka ti vječni rahmet, a tvojoj porodici sabur.

Tvoj prijatelj Muhamed Babić



Dana 12.9.2025. navršava se godina dana otkako nas je zauvijek napustila naša draga, voljena

AJŠA DELIĆ-IBUKIĆ – Duda
12.09.2024. – 12.09.2025.

Draga naša Dudo, I tamo gdje duša vječno počiva i tamo si najbolja osoba na svijetu. Vječno ćeš živjeti u našim srcima i sjećanju.

Tvoj brat Mersed – Bjeli, sestre Mersa da i Meleća, rodbina i prijatelji




TUŽNO SJEĆANJE

Dana 15.9.2025. navršit će se 45 godina od smrti dragog tate

FEHRET (Muhameda) KASUM
15.09.1980. – 15.09.2025.

Prošli su dani, mjeseci i duge godine od kad si nas napustio. Svaki dan bez tebe je tužniji i bolniji. Hvala ti za sve što si učinio i dok živim živjet ćeš i ti sa mnom u mom srcu. Neka ti dragi Allah dž.š. podari lijepi džennet.

Tvoja kćerka Suada sa porodicom



TUŽNO SJEĆANJE
na naše drage roditelje

S ljubavlju i poštovanjem,

Vaša djeca, unučad,
praunučad, snahe i zetovi



MUHAMED
HANDUKIĆ
10.09.2004. – 10.09.2025.

DŽEHVA
HANDUKIĆ
22.04.2007. – 2025.

IN MEMORIAM



NIJAZ FERIZOVIĆ
– Džoni

septembar 2014. - septembar 2025.

S ljubavlju, poštovanjem i ponosom čuvamo uspomene na tebe.

Tvoja porodica


Dana 11.9.2025. navršila se 21 godina od smrti našeg



HASAN (Mustafe)
ALIBEGOVIĆ

S ljubavlju i poštovanjem čuvamo uspomenu na tebe.

Sin Remzija
sa porodicom

**HUSEIN SELIMOVIĆ**

15.09.2020. - 15.09.2025.

Prije pet godina napustio nas je naš voljeni otac i suprug. Vrijeme prolazi, ali ljubav i sjećanja na njega nikad ne blijede.

Babo, hvala ti što si me, tvoju Suzanu, naučio živjeti s ljubavlju i dostojanstvom.

Tvoja supruga Ismeta, ja tvoja kćerka, moja djeca i cijela porodica nikada te nećemo zaboraviti.

Vjerujemo da si našao mir i da si se sastao sa svojim sinom, našim šehidom Samirom, koji nas čuva i koji je ponosan na nas.

MaLi OgLaSi**• PRODAJA STANOVA:**

- prodajem dvosoban stan 56 m2 Ul. Bosanskih kraljeva, „C“, zgrada iznad pošte, I sprat, tel. 061-917-734
- prodajem stan na Ozimicama 2., prizemlje, površine 86 m2, cijena po dogovoru, tel. 061-706-627
- prodajem stan 69 m2 Ozimice 1, tel. 062-919-341, 062-849-446
- prodajem dvosoban stan 61 m2 kod Poliklinike, polu renoviran, sunčana strana do magistrale, tel. 062-177-997

• PRODAJA KUĆA:

- prodajem kuću i zemlju u Gati, sa dva izvora tople vode, tel. 061-980-914
- kuća na prodaju u Bihaću sa garažom i stanom iznad iste lokacija Ceravci oko 200 m2 stambenog prostora izgrađena '70-tih, info: mob 061/407 300

• PRODAJA ZEMLJIŠTA:

- prodajem u Dobrenici oko 9 duluma bukove šume i 4 duluma pašnjaka – proplanak. Prodaje se sve u komadu pošto se parcele naslanjaju jedna na drugu. Na pašnjaku ima izvor prirodne vode a struja je udaljena oko 300 metara, tel. 061-105-174
- prodajem u Ripču na Mahali oko 3,5 duluma zemlje, papiri čisti 1/1, dozvoljena gradnja, parcela se nalazi uz Put 5. korpusa, tel. 061-105-174
- prodajemo građevinsko zemljište na području grada Bihać. Parcela se nalazi na Ceravcima na atraktivnoj lokaciji između Katoličkog školskog centra i trgovačkog centra Fisa, plac je površine

3.277, m2 k.č. 4246, regulisano sa Regulacionim urbanističkim planom Grada Bihać, tel. 037-223-709

- prodajem zemljište 1-3 dunuma, lokacija Kamenica i Vrkašić, povoljno za izgradnju kuće i ostalih objekata, papiri su uredni, tel. 037-882-338, 064-459-008

• IZNAJMLJIVANJE:

- iznajmljujem stan preko puta Kantonalne bolnice, tel. 063-929-579
- izdajem malu kuću namještenu, koja se nalazi na Lukama Ul. Mirze Delibašića br. 5, tel. 037-220-775 ili 061-057-718
- iznajmljujem sprat kuće – prizemlje, namješten, poseban ulaz, el. brojilo, šupa, parking, nalazi se u blizini Bišće parka na glavnoj cesti, itd. tel. 061-021-999
- iznajmljujem stan 42 m2 Ozimice I, lamela 4, I sprat, stan br. 7, tel. 061-431-773, 061-911-288 zvati od 9-11 sati
- izdajem 1,5 soban stan (20 kvadrata) sa terasom (9 kvadrata) na Ceravcima (Bihać od 01.08.2025. 200 KM + 100 KM, mob 061-407 300
- izdajem namješten stan u centru Tuzle studenima ili zdravstvenim radnicima na specijalizaciji na duži period. Stana je pogodan za dvije do tri osobe. Informacije putem mobitela 061 720 740, dostupan i Viberom ili Whats app.

• RAZNO:

- traži se žena za čuvanje starije osobe. Osoba je pokretna svjesna. Tel. 061-444-967.
- kv zidar i dva pomoćna radnika traže posao u USK-u, tel. 062-142-767

Vaše male oglase i sjećanja možete dostaviti najkasnije do srijede do 12.00 sati. Isti će biti objavljeni u broju od petka. Hvala.

Redakcija

**Bosna i Hercegovina
Federacija Bosne i Hercegovine
Unsko-sanski kanton**

JU OŠ "GORNJE PREKOUNJE - RIPAC" BIHAĆ

Ul.Mehe Hadžiabdića bb,
77000 Bihać
Tel: 037/319-231

O B A V I J E S T

O O B J A V I J A V N O G K O N K U R S A

Obavještavamo da će integralni tekst Javnog konkursa za upražnjena radna mjesta biti objavljen na službenoj internet stranici Ministarstva obrazovanja, nauke, kulture i sporta Unsko-sanskog kantona www.obrazovanje.vladausk.ba. i JU Služba za zapošljavanje USK-a www.usk-szz.ba.

Rok za podnošenje prijave počinje teći od dana objave Obavijesti o objavi javnog konkursa u Unsko-sanskim novinama „Krajina“.

*Direktor škole:
Mirzet Sagrković, prof.*

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON**

**GRAD BIHAĆ
GRADONAČELNIK
Služba za urbanističko planiranje, građenje
imovinsko-pravne i geodetske poslove**



O B A V I J E S T

O J A V N O M U V I D U I J A V N O J R A S P R A V I

**ZA NACRT REGULACIONOG PLANA „DIJELA UŽEG GRADSKOG CENTRA
SA DIJELOM TRGA MARŠALA TITA“**

Cijenjeni građani,

Obavještavamo Vas da će se javni uvid u Nacrt Regulacionog plana „Dijela užeg gradskog centra sa dijelom Trga Maršala Tita“ održati u periodu od 11.09.2025. godine do 01.10.2025. godine, od 8.00 do 12.00 sati, u prostorijama Službe za urbanističko planiranje, građenje, imovinsko-pravne i geodetske poslove, Odsjek za urbanističko planiranje i građenje (III sprat zgrade Gradske uprave, broj kancelarije 304 i 307), dok će se javna rasprava održati po završetku javnog uvida, dana 07.10.2025. godine u 12.00 sati u Salonu za vjenčanja u zgradi Gradske uprave.

Pozivamo sve zainteresirane građane i pravne subjekte da svojim primjedbama, sugestijama, mišljenjima i prijedlozima daju svoj doprinos.

Br. 03/1-19-1-5709/23
U Bihaću 08.09.2025. godine

*Gradonačelnik
Elvedin Sedić*

JU OSNOVNA ŠKOLA „OTOKA“ Bosanska Otoka

Broj: 01- 692/25

Datum: 09.09.2025. god.

Na osnovu Odluke Školskog odbora broj: 01- 647-3/25 od 29.08.2025. godine JU OŠ „Otoka“ Bos. Otoka objavljuje:

PONOVNI JAVNI POZIV

**Za prikupljanje i odabir ponuda za dodjelu u zakup prostora za obavljanje
djelatnosti - školske kuhinje**

PROSTOR KOJI SE DODJELJUJE U ZAKUP:

1. Predmet dodjele u zakup je prostor za obavljanje djelatnosti školske kuhinje za školsku 2025/2026. godinu, površine 15 m2, opremljen potrebnim inventarom i tehničkim aparatima u centralnoj školi, smješten u prizemlju zgrade.

VRIJEME TRAJANJA ZAKUPA:

2. Ugovor o zakupu zaključuje se najduže do 30.06.2026. godine.

USLOVI UČEŠĆA U DODJELI U ZAKUP:

3. Na Javnom pozivu pravo učešća imaju sva lica registrovana za obavljanje predmetne djelatnosti.

OSNOVNI KRITERIJ ZA ODABIR NAJPOVOLJNIJE PONUDE:

4. Osnovni kriterij je cijena ponudene zakupnine.

SADRŽAJ PONUDE:

5. Ponuda treba da sadrži: tačan naziv i adresu ponuđača, broj telefona, ovjerenu kopiju o registraciji, reference ponuđača, iznos zakupnine, cjenovnik proizvoda.

OSTVARIVANJE UVIDA I INFORMISANJE O PREDMETU POZIVA:

6. Sve informacije mogu se dobiti svakim radnim danom od 08-15 sati na broj telefona: 037/477-003. Kontakt osoba Azra Suljić – direktor škole.

ROK DOSTAVE I OTVARANJA PONUDA:

7. Rok dostave ponude je 8 dana od dana objavljivanja Javnog poziva.

Zatvorene i zapečaćene ponude sa naznakom „PONUDE – NE OTVARAJ“ dostaviti na adresu: JU OŠ „OTOKA“ 77244 Bosanska Otoka, Otočkih heroja bb, preporučeno poštom ili lično. Otvaranje ponuda obaviti će se u prostorijama centralne škole u Otoci, a o terminu i satnici ponuđači će biti pismeno obaviješteni.

PRAVA I OBAVEZE:

8. Škola ne snosi nikakve troškove ponuditelja u postupku nadmetanja, te zadržava pravo prihvatiti ili odbiti ponudu, poništiti nadmetanje ili odbaciti sve navode prije sklapanja Ugovora.

*Školski odbor
JU OŠ „Otoka“*

RADIO-TELEVIZIJA
USK

J.P. “Radio-televizija Unsko-sanskog kantona” d.o.o. Bihać

RADIO-TELEVIZIJA
USK



ČUVARI DOMOVINE, dokumentarni serijal
Ko su ljudi koji su branili domovinu? Kako danas žive? S kojim se izazovima suočavaju? Kako im društvo može pomoći? Emisija „Čuvari domovine“, koju realizujemo uz podršku Ministarstva za pitanja boraca i ratnih vojnih invalida USK, daje glas onima koji zaslužuju naše trajno poštovanje. Subom od 20:05 – donosimo vam priče boraca, podsjećamo na značajne datume, ukazujemo na ključna pitanja i predstavljamo programe resornog ministarstva. „Čuvari domovine“ – emisija o onima koji su bili tu kad je bilo najpotrebnije. Samo u programu RTVUSK. Prvu emisiju gledajte u subotu, 13.septembra od 20:35 sati. Urednik Darmin Hadžić.

Gostovanje u emisiji „**Nedeljni ritam**“ gost je Božo Vrećo gledajte u nedjelju, 14. septembra od 20:05 sati u programu RTV USK.

Al Jazeera Objektiv 26: Bitka za rijeke Srbije
U težnji ka obnovljivim izvorima energije Srbija je odlučila da svoje planinske rijeke iskoristi za gradnju malih hidroelektrana. 82 mini hidrocentrale trenutno isporučuju struju Elektroprivredi Srbije. U narednim godinama planirana je gradnja vise stotina takvih objekata. Dok država plan pravda potrebom za korištenjem obnovljive energije, brojni stručnjaci upozoravaju da je šteta po prirodu neuporedivo veća od koristi koju će građani Srbije imati od malog procenta struje proizvedenog u tim postrojenjima. Dokumentarni serijal Objektiv: Bitka za rijeke Srbije gledajte u ponedjeljak, 15. septembra od 15:00 sati.



LJUDI I VRIJEME, dokumentarna emisija
Ljudi i vrijeme,nova emisija u programu RTV USK. Bilježimo događaje ali i priče ljudi koji su ih kreirali i doživjeli. Odluke koje su donijeli promijenile su im život ali i ostavile traga u sredini u kojoj žive. Zavirite u mikro svijet vaših sugrađana i komšija. Kako na njih utiču aktuelni događaji, šta ih tišti i kakve su njihove perspektive. Donosimo vam uspješne životne priče, prekretnice, te svakodnevne izazove. Emisiju Ljudi i vrijeme pogledajte u u srijedu, 17.septembra u 20:05 sati. Urednica Rasima Henić.

Serijal Bosnoljublja u programu Televizije Unsko-sanskog kantona gledajte u subotu,



13. septembra od 22:00 sati. Emisija „Bosnoljublja“ donosi nam dah sevdaha, priče o tradiciji i promoviše tradicionalnu muziku Bosne i Hercegovine. Gost ovosedmičnog serijala Bosnoljublja je Hasiba Agić. Bosnoljublja gledajte u programu TV USK u subotu, 13. septembra od 22:00 sati.

Naša muzička scena: Enko Midžić
U programu Televizije Unsko-sanskog kantona možete pratiti emisiju “Naša muzička scena“. Kroz emisiju ćemo predstaviti estradne umjetnike, vrhunske izvođače sevdalinke, folka, popa, roka, autore velikih hitova i sve one koji su ostavili i još uvijek ostavljaju traga na našoj muzičkoj sceni, posebno umjetnici s prostora Unsko-sanskog kantona. Enko Midžić, poznati bihački muzičar, u početku veliki roker, a danas izvođač sevdalinke, gost je „Naše muzičke scene“. Počeo je kao tamburaš u Kulturno-umjetničkom društvu, za arhiv RTV Sarajevo snimio je veliki broj sevdalinki. Danas kaže da živi od muzike i svoj repertoar prilagođava publici. Zanimljiv razgovor sa Enkom Midžićem donosimo vam u subotu, 13. septembra od 21:20 sati.



Aktuelno, informativna emisija
Odgovorno, stručno, direktno. Zahtijevamo odgovore, kako bismo doprinijeli rješenjima. Svake sedmice odgovornima postavljamo pitanja o aktuelnim temama u Kantonu 1. Četvrtkom u 20:05 sati u emisiji „Aktuelno“. Urednici: Delila Alibegović, Aida Štilić i Senad Ramić.



NEDJELJOM ZAJEDNO, zabavni program uživo
Uz kvalitetan sadržaj, puno dobre muzike i zabave provedite kraj vikenda uz emisiju Nedjeljom zajedno. Godinama smo uz Vas. Donosimo priče i razgovore sa aktuelnim gostima. Svake nedjelje pratimo šta je to najzanimljivije na muzičkoj, kulturnoj i filmskoj sceni u državi i regionu, ali i na sportskim terenima. Budite uz program TVUSK u nedjelju, 14.septembra od 16:30 sati, kroz emisiju vas vodi Kenan Kečanović.

„Život i zdravlje“
„Život i zdravlje“ naziv je nove emisije u programu RTV USK. Emisija će obuhvatiti sve segmente bitne za kvalitetan život i očuvanje zdravlja. Gledajte ponedjeljkom od 20:05 sati. Emisiju uređuje i vodi Gorica Bukić.



TV Intervju Radio-televizije Unsko-sanskog kantona
TV Intervju Radio-televizije Unsko-sanskog kantona emisija u kojoj razgovaramo otvoreno o aktuelnim temama i problemima. Naši i vaši gosti su poznati stručnjaci, privrednici, političari, istaknuti pojedinci. Aktuelni trenutak, zanimljivi događaji i odabrani sagovornici, ono je što vam svakog utorka od 20:05 sati donosi TV Intervju Radio-televizije Unsko-sanskog kantona.

NAŠA SNAGA, emisija o OS BiH
Ured za odnose s javnošću Ministarstva odbrane Bosne i Hercegovine realizira TV serijal pod nazivom NAŠA SNAGA, o aktivnostima Ministarstva odbrane i Oružanih snaga BiH.



Emisiju (337) “Naša snaga“ gledajte u programu TV USK u nedjelju, 14.septembra od 09:15 sati.

Program za mlade Perspektiva
Serijal Perspektiva, koji se bavima mladima i njihovim problemima, emituje se na više od 30 TV stanica u BiH, Srbiji, Crnoj Gori i Hrvatskoj. U drugoj sezoni, centralna tema je nasilje sa kojim se mladi suočavaju, tolerancija, ljudska prava. Serijal se emituje u saradnji sa The National Endowment for Democracy (NED), producent je Mebius Film. Mladi s Balkana u Sloveniji: Ja svoj život ovdje gradim Mladi s Balkana koji danas grade svoj život u Sloveniji priznaju da uglavnom ostaju unutar vlastitih zajednica, bez dublje integracije u slovensko društvo - najčešće svojevoljno, ali i zbog straha od predrasuda i odbacivanja. Program za mlade Perspektiva gledajte u petak, 12. septembra od 21:50 sati.

TV LIBERTY, inforamtivno - dokumentarni serijal
TV Liberty je polusatni televizijski magazin koji govori o svim važnijim temama o Bosni i Hercegovini i u njoj, čije je produciranje počelo u augustu 1996. u Pragu. Od marta 1997. godine emisiju realizira ekipa sarajevskog dopisništva RSE. Program preuzima oko 30 lokalnih TV stanica u BiH, a do sada je proizvedeno više od hiljadu emisija. Dokumentarni serijal TV Liberty (1490. emisija) gledajte u programu TV USK u srijedu, 17. septembra od 21:50 sati.



TV SPOMENAR
TV spomenar - emisija je koja nudi lepezu odabranih događaja koji su zauzeli istaknuto mjesto u historiji, ono što se dogodilo određenog datuma i svojim značajem zaslužilo sjećanje i spominjanje u našim razgovorima. U sažetom obliku TV spomenar obrađuje i podiže na nivo vidljivosti političke, kulturne, sportske, naučne, historijske i druge teme iz USK i BiH. Emisija je osmišljena da bude podsjetnik onima koji znaju, a putokaz onima koji žele znati više. TV SPOMENAR GLEDAJTE U PROGRAMU TV USK SVAKU NOĆ U TERMINU OD 17:35 SATI

Program Televizije Unsko - sanskog kantona u HD rezoluciji sada možete gledati putem zemaljskog signala DVB-T2 (Frekvencija 31. kanal)



DRUGA LIGA F BiH - ZAPAD

Rezultati 3. kola:

VITEZ: FK Vitez-Rudar (HB) 4:1,
KAMENGRAD: Rudar (K) - Radnik 4:0,
BOSANSKA OTOKA: Sloga - Ključ 1:3,
VELAGIĆI: Bajer 99 - Bratstvo 4:2,
KISELJAK: Kiseljak - Krajina 3:0,
SANSKI MOST: Podgrmeč - Romari 2:3.
Slobodna je bila ekipa Novi Travnik.

U 4. kolu sastaju se:

VITEZ: Vitez - Rudar (K),
BOSANSKA KRUPA: Bratstvo - Kiseljak,
DONJI VAKUF: Radnik - Sloga,
KLJUČ: Ključ - Novi Travnik,
CAZIN: Krajina - Podgrmeč,
HAN BILA: Rudar (HB) - Romari,
Slobodna je ekipa Bajer 99 Velagići.

TABELA

1. Kiseljak	3	3	0	0	12:2	9
2. Rudar K	2	2	0	0	6:1	6
3. Rudar HB	3	2	0	1	10:8	6
4. FK Vitez	3	2	0	1	8:8	6
5. Bajer 99	3	1	1	1	5:7	4
6. Romari	3	1	1	1	5:7	4
7. Novi Travnik	2	1	0	1	6:5	3
8. Radnik	3	1	0	2	9:9	3
9. Bratstvo	3	1	0	2	5:5	3
10. Ključ	3	1	0	2	5:6	3
11. Sloga	2	1	0	1	2:3	3
12. Krajina	3	1	0	2	6:9	3
13. Podgrmeč	3	0	0	3	4:13	0

Drugoligaši su proteklog vikenda odigrali susrete trećeg kola. Odigrano je svih šest susreta, dok je slobodna bila ekipa Novi Travnik. Četiri puta slavili su domaćini, dok su gosti slavili u dva odigrana susreta. Postignuto je ukupno 27 pogodaka. Vodeći Kiseljak na svom terenu savladao je ekipu Krajine iz Cazina rezultatom 3:0. Pogotke za Kiseljak postigli su Šimunić,

U derbiju kola Bratstvo dočekuje Kiseljak

Medić, Grubišić. Rudar je u Kamengradu sa visokih 4:0 bio uvjerljiv protiv Radnika. Za sigurnu pobjedu Rudara pobrinuli su se sa tri pogotka Seferović, dok je jedan pogodak postigao Burnić. Kantonalni derbi igrao se u Bosanskoj Otoci gdje je domaća Sloga poražena od Ključa rezultatom 1:3. Tri

pogodka za Ključ postigli su Huskić, Vujatović (AG), Marsel, dok je pogodak utjehe za domaću Slogu postigao Fajić. Ništa manje zanimljiv susret igrao se u Velagićima gdje Bajer 99 rezultatom 4:2 savladao bosanskokrupsko Bratstvo. Pogotke za Bajer 99 postigli su Salihović, Anderson, Petak,

Jašarević, dok su pogodke za Bratstvo postigli Dizdarić i Ljutić. U Sanskom Mostu Podgrmeč je poražen od Romaria rezultatom 2:3. Pogotke za gostujuću pobjedu ekipe Romari postigli su Imamović (dva), Valjan, dok su za Podgrmeč pogodili Paunović i Jakupović. U Vitezu je domaća ekipa

sa uvjerljivih 4:1 slavila protiv Rudara iz Han Bile. Po dva pogotka za slavje domaćina postigli su Ribo i Selman, dok je utješni pogodak za Rudar postigao Kadrić u 81 minuti susreta. Prvenstvo se nastavlja ovog vikenda kada su na rasporedu susreti 4. kola. Tri susreta igraju se u subotu, a tri u

nedjelju. Derbi kola je zakazan u Bosanskoj Krupi gdje gostuje vodeći Kiseljak. U kantonalnom derbiju u nedjelju u Cazinu Krajina dočekuje Podgrmeč iz Sanskog Mosta. I u ostalim susretima očekuje se zanimljiv i kvalitetan nogomet. Svi susreti igraju se sa početkom u 16 sati.

KANTONALNA NOGOMETNA LIGA USK

Klubovi u Kantonalnoj nogometnoj ligi USK nakon odigranih utakmica prvog kola, sutra utakmicama 2. kola nastavljaju takmičenje za sezonu 2025/26. U ovogodišnjoj ligi nastupa 10 klubova i to NK Omladinac 75 Pokoj, NK Borac Izačić, NK Kamenica, NK Mladost Polje, NK Mladost Vrnograč, NK Krajišnik Velika Kladuša, NK Korana Tržac, NK Vitez Bužim, NK Omladinac Sanica, NK Željezničar Bosanska Krupa. Prošlogodišnju titulu prvaka brani ekipa NK Omladinac 75 iz Pokoja.

U suretima 1. kola odigrano je pet susreta. U tri susreta slavili su domaćini, dok su dva susreta završena neriješenim rezultatom. U 1. kolu postignuto je ukupno 18 pogodaka. Igran je izjednačen i tvrd nogomet. Aktuelni prvak Omladinac 75 iz Pokoja uvjerljivom pobjedom na otvaranju sezone zasigurno je istakao svoju kandidaturu za sam vrh prvenstvene tabele u ovogodišnjoj sezoni. Pokojčani su sa uvjerljivih 6:1 savladali uvijek neugodnu ekipu Omladinca iz Sanice. Pogodke za domaćina postigli su Mušeta (dva), Balić (dva), te po jedan Kerlić i Jusić, dok je utješni pogodak za goste iz Sanice postigao Kozlić. Na Kamenici je istoimena ekipa sa visokih 3:1 savladala povratnika u ligu ekipu Krajišnika. Pogodke za Kamenicu postigli su Dizdarević (dva), Behrem, dok je za kladuščane pogodio Šakanović. Na Izačiću su Borac i Mladost (P) odigrali 1:1.



U subotu Krajišniku na noge dolazi ekipa Željezničara, u nedjelju na Kamenici gostuje uvijek neugodni Borac Izačić

Rezultati 1. kola:

KAMENICA: Kamenica - Krajišnik 3:1,
IZAČIĆ: Borac - Mladost 1:1,
BUŽIM: Vitez - Korana 4:1,
POKOJ: Omladinac 75 - Omladinac 6:1,
VRNOGRAČ: Mladost (V) - Željezničar 0:0.
U 2. kolu sastaju se:
VELIKA KLADUŠA: Krajišnik - Željezničar,
SANICA: Omladinac - Mladost (V),
POLJE: Mladost - Vitez, (nedjelja)
TRŽAC: Korana - Omladinac 75,
KAMENICA: Kamenica - Borac.

TABELA

1. Omladinac 75	1	1	0	0	6:1	3
2. Vitez	1	1	0	0	4:1	3
3. Kamenica	1	1	0	0	3:1	3
4. Borac	1	0	1	0	1:1	1
5. Mladost	1	0	1	0	1:1	1
6. Mladost	1	0	1	0	0:0	1
7. Željezničar	1	0	1	0	0:0	1
8. Krajišnik	1	0	0	1	1:3	0
9. Korana	1	0	0	1	1:4	0
10. Omladinac	1	0	0	1	1:6	0

Sve je bilo gotovo u prvih 12 minuta. Prvo je za goste pogodio Selimović, da bi pet minuta poslije Ljubijankić pogodio za 1:1 što je bio i rezultat ovog susreta. Vitez je u Bužimu sa 4:1 slavio protiv Korane. Cinac je postigao tri pogodaka dok je jedan pogodak postigao Eminić. Za goste je pogodio Čović. U Vrnograču su

Mladost i Željezničar odigrali susret bez pobjednika. Krajnji rezultat 0:0 je i najbolji pokazatelj o ovom susretu. Sutra i prekosutra su na rasporedu susreti 3. Tri susreta se igraju u subotu, dok će se dva susreta igrati u nedjelju. Očekuje se dobar nogomet aktera svih ekipa. Svi susreti počinju u 16 sati.

Kamenica - Krajišnik 3:1 (1:0)

Strijelci: 1:0 Dizdarević (25), 1:1 Šakanović (52), 2:1 Dizdarević (62), Behrem (79).

KAMENICA: Rekić, Nuhić, A. Felić, Keškić, Dizdarević, Hodžić, Behrem, Čenanović, Goretić, Halilagić, I. Felić. Još su igrali Begić, Fajković, Halkić.
Trenner: Edin Šušnjar.

KRAJIŠNIK: Čordić, Hašić, Mujakić, Hodžić, Fazlić, Ibrićić, Keranović, Pajazetović, Šakanović, Gračanin, Babić. Još su igrali Dizdarević, Šuvić, Šabić, Velić.
Trenner: Edin Alić.

U pet sureta 1. kola postignuto je 18 pogodaka

Vitez	4	1
- Korana	1	0

Strijelci: 1:0 Cinac (6),
1:1 Čović (48),
2:1 Eminić (57),
3:1 Cinac (81),
4:1 Cinac (84).

VITEZ: Šahinović, Vekić, Abdić, Bešić, Šumić, Nuhanović, Eminić, Dizdarević, Bašić, Cinac, Rizvić. Još su igrali Am. Bašić, Muratović, Ljubijankić, Mešić, Salkić.
Trenner: Edham Eminić.

KORANA: Dizdarević, Kajtezović, Aličajić, Ružnić, Begić, Muharemović, Džanić, Beganović, Čović, Begić, Samardžić. Još su igrali Lulić.
Trenner: Izet Račić.

Mladost (V)	0	0
- Željezničar	0	0

Strijelci: -

MLADOST (V): Koštić, Keserović, Hegić, B. Koštić, Mašinović, Dizdarević, Čerimović, Miljković, Balčinović, B. Čerimović, Libić. Još su igrali Dmitrović, Obić.
Trenner: Agan Mulalić.

ŽELJEZNIČAR: Šabić, Gerzić, Alešević, Kanurić, Grošić, Komić, I. Grošić, Gerzić, Karaibrahimović, Talić, Fejsal.
Trenner: Amir Hadžipašić.

Borac - Mladost 1:1

Strijelci: 0:1 Selimović (7), 1:1 Ljubijankić (12).

BORAC: Hušić, Š. Islamović, Halkić, Ljubijankić, Šarić, Dž. Alibabić, Šekerić, Sušić, Felić, N. Alibabić, Dž. Islamović. Još su igrali Balić, Pjanić.
Trenner: Mirsad Balić.

MLADOST: Adilagić, Lelić, Kličić, Hodžić, Selimović, Džaferović, Civić, Bajrić, Hozdić, Čoralić, Karalić. Još su igrali Kovačević, Majetić.
Trenner: Jasmin Čataković.

CAZIN: ODRŽAN 5. MEMORIJALNI RUKOMETNI TURNIR
“HUSEIN SALKIĆ-NEJKO”

Pobjednik turnira ekipa ŽRK Borac Banja Luka

■ Na pozivnom turniru učestvovala su četiri ekipe i to ŽRK Borac Banja Luka, ŽRK Mira Prijedor, ŽRK Bihać i domaćin ŽRK Krajina iz Cazina.



igračica Milana Railić
(ŽRK Borac Banja Luka)



Proглаšene su najbolje
strijelac Šejla Imamović
(ŽRK Bihać)



golman Nina Vuksanović
(OŽRK Krajina Cazin)



Proteklog vikenda u organizaciji Ženskog rukometnog kluba Krajina iz Cazina održan je 5. Memorijalni ženski rukometni turnir Husein Salkić - Nejko". Turnir u Cazinu je jubilarno peto izdanje koje se svake godine održava u čast Huseina Salkića - Nejke, sportiste i čovjeka koji je ostavio dubok trag u rukometu, te čije ime i djelo nastavljamo čuvati kroz rukomet i zajedništvo. Na pozivnom turniru učestvovala su četiri ekipe i to ŽRK Borac Banja Luka, ŽRK Mira Prijedor, ŽRK Bihać i domaćin ŽRK Krajina iz Cazina. Turnir je još jednom donio kvalitetne utakmice, lijep rukomet i pravu sportsku atmosferu. Odigrana su četiri kvalitetna susreta.

Pobjednik ovogodišnjeg petog izdanja memorijalnog turnira je ekipa ŽRK Borac iz Banjaluke koje su finalni susret odigrale sa rukometašicama Krajine iz Cazina. Finale je ponudilo pravi rukometni spektakl, a u dramatičnoj i krajnje neizvesnoj završnici Borac je slavio protiv Krajine rezultatom 28:26. Pobjedom su rukometašice Borca odbranile prošlogodišnju titulu prvaka ovog kvalitetnog memorijalnog turnira. Ekipa Borca do finala je došla pobjedom u polufinalnom susretu protiv ekipe ŽRK Bihać rezultatom 41:20. Rukometašice Krajine plasman u finale osigurale su uvjerljivom pobjedom u polufinalnom susretu protiv ekipe ŽRK Mira Prijedor. Susret su Cazinjanke dobile rezultatom 36:16. Ekipa ŽRK Bihać slavila je u susretu za treće mjesto protiv ekipe ŽRK Mira iz Prijedora. Susret su Bišćanke dobile rezultatom 23:20. Odigrana je čvrsta i dosta izjednačena utakmica. Boljom igrom u samoj završnici zasluženju pobjedu ostvarile su rukometašice iz Bihaća. Za najbolju igračicu turnira izabrana je Milana Railić (ŽRK Borac Banja Luka).

◀ ŽRK Krajina - 2. mjesto

◀ ŽRK Bihać - 3. mjesto

Titulu najboljeg strijelca ponijela je Šejla Imamović (ŽRK Bihać), dok je za najboljeg golmana turnira izabrana Nina Vuksanović (OŽRK Krajina Cazin). Za fer pley ekipu turnira proglašena je ekipa ŽRK Mira Prijedor. Organizator je čestitao svim ekipama na fer i korektnoj igri, sa porukom vidimo se iduće godine na 6. Memorijalnom turniru "Husein Salkić - Nejko" u Cazinu.

PRVA LIGA FBiH



Jedinstvo uvjerljivo protiv Viteza

U vikendu iza nas prvotigaši su odigrali sedam susreta 3. kola. U tri susreta slavili su domaćini, dva su završena podjelom bodova, a u dva susreta su slavile gostujuće ekipe. U 3. kolu postignuto je ukupno 20 pogodaka. Najzanimljiviji susret odigran je u Olovu gdje je TOŠK nakon preokreta savladao domaću Stupčanicu aktuelnog šampiona. Domaće je u vodstvo doveo Efendić u 29. minuti, ali su gosti iz Tešnja izjednačili šest minuta kasnije preko Hegića. Preokret i kako se na kraju ispostavilo gostujuću pobjedu dogodio se u

isti igrač je u samom finišu susreta pogodio za 3:2 i veliku pobjedu Travnika. Bratstvo je u Gračanici slavilo minimalnim rezultatom protiv Tuzle Sitija pogotkom Vilakića. Bez pobjednika je završio susret Tomislav-Gošk 1:1, kao i susret u Tuzli gdje su remizirali Sloboda i Čelik. Jedinstvo iz Bihaća je u prvom ovosezonskom susretu pred svojom publikom došlo do sigurne i zaslužene pobjede protiv Viteza rezultatom 2:0.

Bišćani su od samog početka utakmice bili dominantniji i konkretnija ekipa.

Rezultati 3. kola:

Jedinstvo - Vitez 2:0,
Budućnost - Radnik 2:3,
Stupčanica - Tošk 1:2,
Tomislav - Gošk 1:1,
Travnik - Igman 3:2,
Sloboda - Čelik 1:1,
Bratstvo - Tuzla City 1:0.

U 4. kolu sastaju se:

Tošk - Jedinstvo,
Travnik - Tomislav,
Čelik - Budućnost,
Gošk - Sloboda,
Radnik - Bratstvo,
Tuzla C. - Stupčanica,
Igman Vitez.

Svi susreti počinju u 16 sati.

51 minuti kada je za vodstvo Goška od 1:2 pogodio Škrijelj. Drugu gostujuću pobjedu ostvarila je ekipa Radnika koja je rezultatom 2:3 slavila protiv Budućnosti. Pogodke za Radnik iz Hadžića postigli su Hodžić (autogol), Konjihodžić i Pirić. Oba pogodaka za Budućnost postigao je Husić. Kvalitetan i uzbudljiv susret odigran je na Piroti gdje je Travnik nakon velikog preokreta došao do pobjede protiv Igmana sa 3:2. Gosti iz Konjica pogodcima Hebbovića imali velikih 2:0. Ipak Travnik se nije predavao. Prvo je Hrustanović smanjio na 1:2 što je bio i rezultat prvog dijela. Na otvaranju drugog dijela Pločo postiže pogodak za 2:2, a

TABELA

1. Tošk	3	3	0	0	7:2	9
2. Radnik	3	2	1	0	7:4	7
3. Jedinstvo	3	2	0	1	3:1	6
4. Igman	3	2	0	1	5:4	6
5. Čelik	3	1	2	0	4:2	5
6. Travnik	3	1	1	1	5:5	4
7. GOŠK	3	1	1	1	4:4	4
8. Sloboda	3	1	1	1	3:4	4
9. Bratstvo	3	1	1	1	2:3	4
10. Stupčanica	3	1	0	2	3:3	3
11. Tomislav	3	0	2	1	3:5	2
12. Tuzla City	3	0	1	2	4:6	1
13. Budućnost	3	0	1	2	6:9	1
14. Vitez	3	0	1	2	1:5	1

Svoju terensku inicijativu potvrdili su sa dva pogodaka. Prvo je u sedmoj minuti pogodio Božić sa bijele tačke, a za konačnih 2:0 pogodio je Salkanović u 35 minuti susreta. Bišćani su u tri kola ostvarili dvije pobjede i jedan poraz, te na gostovanje u četvrtom kolu putuju kao trećeplasirana ekipa. Jedinstvo gostuje u Tešnju ekipi Tošk-a, koja je u prva tri kola ostvarila isto toliko pobjeda, te se sa maksimalnim učinkom nalaze na vodećoj poziciji na tabeli. Očekuje se veoma zanimljiv i kvalitetan susret, a oba trenera najavljuju maksimalno zalaganje i ostvarenje povoljnog rezultata. Susret se igra sutra (subota) sa početkom od 16 sati.

SPORTSKI SAVEZ USK:
21. IGRE PRIJATELJSTVA

Mladi sportaši iz Slovenije, Hrvatske i USK sutra će odmjeriti snage u šest sportskih disciplina

■ U tri dana takmičenja oko 300 mladih sportaša iz Primorsko goranske županije-Rijeka (Hrvatska), Novo Mesto (Slovenija) i Unsko sanski kanton (BiH) odmjerit će snage na terenima u šest sportskih disciplina i to mali nogomet, košarka (M/Ž), rukomet (m/ž), odbojka (m/ž), stolni tenis, šah

Danas (petak) Unsko sanski kanton, tačnije gradovi Bihać i Cazin bit će domaćini 21. Igara prijateljstva. Sportska manifestacija koja već dvije decenije okuplja mlade sportiste (do 16 godina). Domaćin ovogodišnje manifestacije koja kroz sportska takmičenja razvija međusobno poštovanje, nova prijateljstva ove godine je Sportski savez Unsko sanskog kantona. U tri dana takmičenja oko 300 mladih sportaša iz Primorsko goranske županije-Rijeka (Hrvatska), Novo Mesto (Slovenija) i Unsko sanski kanton (BiH) odmjerit će snage na terenima u šest sportskih disciplina i to mali nogomet, košarka (M/Ž), rukomet (m/ž), odbojka (m/ž), stolni tenis, šah. Ceremonija otvaranja "Igara prijateljstva" održat će se danas (petak) sa početkom u 20 sati i 30 minuta u Sportskoj dvorani Luke u Bihaću.



Prema dogovorenom rasporedu u subotu će mladi sportaši iz tri regije odmjeriti snage u sportskim disciplinama. U Sportskoj dvorani Luke u Bihaću odigrat će se susreti u košarki i odbojci za muškarce i žene. Takmičenje u nogometu održat će se na terenu FK Krajine u Cazinu, dok će rukometaši (m/ž) svoja takmičenja održati u Sportskoj dvorani Cazin. Sportska takmičenja u šahu održat će se u hotelu Safir u Bihaću, dok će se takmičenje u stolnom tenisu održati u Sportskoj dvorani Tehničke škole u Bihaću. Za nedjelju u 11 sati u Kulturnom centru u Bihaću planirana je svečanost i dodjela pehara i medalja sa kojom će se spustiti zavjesa na 21. Igre prijateljstva USK 2025.

MNK BUBAMARA BOLJA OD MNK OSIJEK

U generalnoj probi pred početak prvenstva Cazinska Bubamara slavila protiv viceprvaka Hrvatske rezultatom 4:1

Parovi 1. kola
Sloga - Željezničar
Mostar SG - Sarajevo
Bubamara - Akademac
Borac - Brod
Salines - Rama

Malongometni klub Bubamara Cazin nastavio je sa serijom dobrih rezultata. Ekipa iz Cazina nakon što je ostvarila tri historijske pobjede i plasirala se u glavnu rundu Lige prvaka upisala je još jednu briljantnu pobjedu. Cazinska ekipa je odigrala prijateljski

susret sa ekipom MNK Osijek viceprvakom Hrvatske. Ovo je za ekipu iz Cazina bila generalna proba pred start ovogodišnjeg takmičenja u premijer ligi BiH. Publika u Cazinu mogla je uživati u vrhunskom futsalu i spremnosti obje ekipe. Odigran je dinamičan susret u kojem je ekipa MNK Bubamara ipak pokazala dominaciju te na kraju slavila pobjedu sa visokih 4:1. Pogotke za pobjedu Bubamare postigli su Ibršimović (dva) i po jedan Perić i Osredkar. U utorak je u Zenici izvrše-

no žrijebanje parova i utvrđen raspored za novu sezonu Premijer lige BiH. Liga starta u subotu, 27. septembra. MNK Bubamara takmičenje otvara susretom protiv ekipe Akademac iz Trebinja.

mijer futsal lige BiH. Liga starta u subotu, 27. septembra. MNK Bubamara takmičenje otvara susretom protiv ekipe Akademac iz Trebinja.

KLUB EKSTREMNIH SPORTOVA "SPECTRUM" IZ BIHAĆA

Klub ekstremnih sportova "Spectrum" iz Bihaća obavio je i posljednje pripreme za organizaciju i održavanje prve utrke sa preprekama u USK pod nazivom 'SpectRun'. Riječ je o jedinstvenom sportskom događaju koji će 13. septembra ove godine u Bihaću okupiti više od 180 zaljubljenika u ovaj dinamičan, uzbudljiv i sve popularniji sport u svijetu.

Bihaćka utrka održat će se na području Bihaća, tačnije na prostoru kampusa Univerziteta u Bihaću u Žegar, a utrka će se održati na potezu Žegar - Zavalje - Debeljača - Sokolac - Žegar, u dužini od 15 kilometaram sa 30 pripremljenih prepreka. Elevacija staze je 300 +m. Vremenski limit utrke iznosi 4 sata. Organizator je istakao da je sve spremno za početak prve ovakve utrke u USK koja spaja sport, izazov i timsku saradnju.

Članovi kluba su uspjeli napraviti veoma kreativne i fizički zahtjevne prepreke, te su iste postavili na stazu koja je duga 15 kilometara.

Sve spremno za prvi "SpectRun - Bihać 2025"



Utrke "SpectRun" su sve popularnije, te nerijetko privlače veliki broj trkača koji žele testirati svoje granice i sposobnosti na adrenalinskim i zahtjevnim stazama utrka.

Klub je pripremio i utrku za najmlađe, koja će se odvijati na istoj stazi gdje su pripremljene prepreke za najmlađe učesnike.

Prijave za učešće na prvoj utrci u Bihaću za sve sportiste, zaljubljenike u ovaj po mnogima najbrže rastući sport, kao i za rekreativce otvoren je do sutra (subota). Do sada su prijave pristigle iz cijele BiH, Hrvatske, Srbije, Slovenije, Češke, tako da sama utrka ima međunarodni karakter. Očekuje se da "SpectRun Bihać 2025" postane tradicionalni sportski događaj koji će Bihać i USK svrstati na mapu regionalnih OCR takmičenja.